

22
D E 564.2

PRISCORVM

SAPIENTVM PLACITIS,

AC OPTIMO PHILOSOPHANDI

GENERE,

SENTENTIÆ ET

*Theoremata varia, ad ingenuas di-
sciplinas pertinentia,*

AB ALOYSIO PISAVRIO MARINI
filio patritio Veneto proposita,

CVM PATAVII TVM VENETIIS

*publico congressu ad veritatis gloriam inter viros
ingenuos discutienda.*



PATAVII,

Ex Officina Laurentij Pasquati,
MDLXVII.

MAV 10 1961

RECEIVED

U.S. AIR FORCE

WASHINGTON, D.C.

1. The following information was received from the
2. [illegible]
3. [illegible]
4. [illegible]
5. [illegible]
6. [illegible]
7. [illegible]
8. [illegible]
9. [illegible]
10. [illegible]
11. [illegible]
12. [illegible]
13. [illegible]
14. [illegible]
15. [illegible]
16. [illegible]
17. [illegible]
18. [illegible]
19. [illegible]
20. [illegible]
21. [illegible]
22. [illegible]
23. [illegible]
24. [illegible]
25. [illegible]
26. [illegible]
27. [illegible]
28. [illegible]
29. [illegible]
30. [illegible]
31. [illegible]
32. [illegible]
33. [illegible]
34. [illegible]
35. [illegible]
36. [illegible]
37. [illegible]
38. [illegible]
39. [illegible]
40. [illegible]
41. [illegible]
42. [illegible]
43. [illegible]
44. [illegible]
45. [illegible]
46. [illegible]
47. [illegible]
48. [illegible]
49. [illegible]
50. [illegible]
51. [illegible]
52. [illegible]
53. [illegible]
54. [illegible]
55. [illegible]
56. [illegible]
57. [illegible]
58. [illegible]
59. [illegible]
60. [illegible]
61. [illegible]
62. [illegible]
63. [illegible]
64. [illegible]
65. [illegible]
66. [illegible]
67. [illegible]
68. [illegible]
69. [illegible]
70. [illegible]
71. [illegible]
72. [illegible]
73. [illegible]
74. [illegible]
75. [illegible]
76. [illegible]
77. [illegible]
78. [illegible]
79. [illegible]
80. [illegible]
81. [illegible]
82. [illegible]
83. [illegible]
84. [illegible]
85. [illegible]
86. [illegible]
87. [illegible]
88. [illegible]
89. [illegible]
90. [illegible]
91. [illegible]
92. [illegible]
93. [illegible]
94. [illegible]
95. [illegible]
96. [illegible]
97. [illegible]
98. [illegible]
99. [illegible]
100. [illegible]

3
AMPLISS. ATQ; REVERENDISS.

VIRO DANIELI BARBARO

AQVILEIÆ PATRIARCHÆ

D E S I G.

Aloysius Pisaurius. S. P. D.



*V*mmopere mihi semper placuit Parthorum illud institutum, quo nemini licere videbatur, Principem sine munere salutare. Hac enim ratione animi observantiam cumulatius declarabant: & sua omnino bona, cum fortuna, tum animi in eius collocari manibus præserebant; Cum igitur iamdiu exoptarem, te virum Ampliss. (qui Ægyptiorum more, summo cum sacerdotio, summam iunxisti sapientiam) insigni aliqua ratione salutare: id sine munere recte fieri, haud posse iudicavi. Mecum autem, deinde considerans, nihilq; te dignum, nihil præstantia animi tui par, inueniens; ad amicos, & domesticos tuos, confugiendum censui: Hi vero sunt

A ij

uiri, quotquot hæcenus sapientissimi floruerunt
qui per suas eruditissimas scriptiones, & singu-
lares sententias, tanquam præclaros animorum
suorum fetus, etiam inuito tempore, post Na-
tura necessitatem, seruantur incolumes: Qui-
bus Lyceum tuum magnificentissime exor-
nasti. Hos ego conueni; Ab ijs petij, ut te dignum
aliquid mihi concederent. Annuerunt ipsi, ac
humanissime mihi condonarunt, ut ex eorū pe-
netralibus, præcipuas depromerem sententias,
quas penè iure iurando affirmarunt, tibi gratis-
simas fore. Sedulo itaq; ego ex singulis, quod mi-
hi probandum videbatur, delegi: quod uerò mi-
nus, neglexi, ac prætermisi. Qua profectò ratio-
ne perbelle cognoui in omnibus priscorum sa-
pientum scholis, posse ingenuum animum com-
morari, aliquidq; recti conspiciere, adeo ut non
iniuria altissimo illo sapientis nomine, earum
Antistites, fuerint honestati. Ac unà percepi
iure omnium ore, omniumq; consensu peripate-
ticos præ ceteris commendari, summaq; in uene-
ratione uersari. Nam uere inter Mundi sapi-
entes, Principem sibi locum uendicarunt: uere
firmarunt, & crexerunt terminos, ultra quos

34
hominum ingenijs pertransire non datur. At
hoc in loco, humana conditionis imbecillitate,
cognoscere mihi licuit; Peripatetica nanque
illa sapientia, mira ingeniorum felicitate tot
laboribus atque vigilijs absoluta, & elabora-
ta, qua inter hominum inuenta, primo magnū,
atque admirabile quoddam uideri potest, si cū
superna conferatur luce, tenebricosa languet,
conuoluta, & despecta iacet; Adeo ut nisi cali-
tus demisso fulgore illustretur, nisi Theologia
manibus erigatur, negligenda sit penitus, &
despicienda. Quod cum animaduertissem ex
te exemplum sumens, ad ueritatis regulam,
me ipsum contuli, & qua ualui ex parte, dire-
xi, & emendaui. Hoc itaque munus illud est ex
tuis familiaribus depromptum, quo nūc te sum-
ma cum ueneratione, ac caritate salutatū
velim, Quod tibi apprimè conueniens, futurū
non iniuria speraui. Non solum quia arcto ne-
cessitudinis uinculo cum simus deuincti, te sem-
per summopere colui: uerum multo magis, quia
propter eximiam uirtutem, & insignem erudi-
tionem in te animi, mentisq; mea aciem sem-
per direxi, & ad tui potissimum imitationem

me contuli. Sic etenim mecum statui, in quo
magis antiqua sapientia, ingenij, & probitatis
effigies esset expressa, esse neminem. Tu nan-
que is es, qui hanc eandem adolescens sectatus
studiorum rationem, conspicua, nascentis in te
sapientia dedisti signa, cum primum te peritis-
simum Geometram indicaſti. Mathematici
enim Platonis iuditio ad omnes disciplinas sũt
aptissimi. Eandem mox crescentem uariis di-
sputationibus, agentisq; Philosophia publicis
explicationibus, eruditissimis scriptionibus,
summa cum gloria ostendisti. Ac demum iam
adultam re ipsa comprobaſti. Cum enim disci-
plina ob hominum usum, & Deorum cultum
sint inuenta, tu, qui primum penè adolescens
quantum in R. P. ualeres in dicenda sententia
ingerendis magistratibus in legationibus ad
summos Principes obeũdis, indicaſti: Ad Dei
paulo post cultum euocatus, felicissime praestiti-
sti, qua uirum decent prudentissimum, & Reli-
giosissimum. Nam quo sublimiorem conscendi-
ſti dignitatis gradum, eo illustriora, & certio-
ra tua uirtutis signa prabuisti, Nihilq; esse ad
eò magnum, quod tu praecleara tua animi uirtu

32
te, præstare non ualeas. Verum non te fugit, nec
ego profectò inficior, Vir Nobilissime & Integer
rime, munera, quæ præstantioribus plerunque
offeruntur, emolumentis & maioris quæstus gra-
tia tribui solere. Quare ego quoq; à te magni
animi uiro, insigne aliquod emolumentum, me
consequuturum spero. Siquidem ea potissimū
ratione primos hos meorum studiorum fœtus ti-
bi detuli, ut ex tuo iuditio, ueluti lydio lapide,
cognoscerem, quæ mihi ex depromptis seruan-
da, quæ ue reiicienda forent, & si quæ in parte
tibi uiderentur informes, incomparabili tua e-
ruditionis rectitudine, formarentur, & emen-
darentur: Quæ ex castigatione, animi quoque
mei secutura uidetur emendatio, quam eius fo-
re statui solidam, & integerrimam sanitatem,
Aurumq; illud uiuum, quo Socrates ditari cu-
piebat. Quo quidē quæstu nil mihi optabilius,
nil preciosius poterit euenire, quem cumulatif-
sime me adepturum certo scio, cum simul ua-
leas, & uelis. Vale Patauij, Tertio Nonas
Martij. M D L X V I I.



P R I M I à quibus
scientia ad nos deue
nerunt , Non Graci
fuerunt , sed qui à
Gracis nuncupaban
tur Barbari , quos
etiam instauratores

potius,quam inuentores esse dixerim:Gra-
ci postea sunt secuti , quorum studio ada-
cta ordinata & absoluta fuerunt.inde &
Plato & Arist. disciplinarum renouatio-
nem externis nationibus acceptam referūt
à Gracis tandem vnà cum imperio ad La
tinos deducta fuerunt.

- 2 Pro veritatis assequenda Gloria quamplu-
rimi in hac mundi quasi harena dimica-
runt , atque alij alio sunt pacto ingenij sui
vires periclitati , soli tamen Peripatetici
inter mundi Philosophos ad eam proximè
accesserunt , & Principem sibi locum uen-
dicarunt , etenim , cum ratione ordinis et
Methodi , tum ratione inuentionis & iu-

A

dicij altius eleuati Aristotele duce (ut no-
men pollicetur) optimum operi imposuere
finem, quemadmodum singulorum dogma-
ta considerantibus patebit.

- 3 *Vetustissimi, quorum sententia nonnulla per
internuncios Philosophos adhuc referun-
tur, fuere Magi: qui Persarum sapientes
erant, & Gymnosophista Indorum, Dru-
ida, & Semnothei Gallorum, & Aegyptio-
rum Sacerdotes: ut interim Armenios,
Babylonios, & Assyrios prateriam: quo-
rum Magiam neque omni no naturalem,
neque penitus superstitiosam, sed mistam,
& propterea non ex omni parte despicien-
dam puto: summo enim honore digna esse
naturalis mihi magia videtur.*
- 4 *De qua ut paucis dicam quod sentio, non
duplicem ego eam, ut alij, sed triplicem esse
arbitror Simplicem Magiam, unam di-
uinam, quam intellexit Porphyrius, cum
dixit, Magum esse interpretem, & cul-
torem Deorum: Alteram physicam, im-
mo etiam physica absolutionem, & perfe-
ctionem: Tertiam nefariam immundorū*

spirituum incantationibus concinnatam.
Ex his omnibus, uel saltem ex duabus Ma-
gia mista orta est, qualem ego priscorum il-
lam fuisse existimo.

- 5 *Quoniam autem non eorum libri, sed pau-*
cissima quadam extant sententiae ab alijs
auctoribus relata tantummodo, atque ad-
eo difficili, & obscuro dicendi genere dele-
ctati sunt, ut diuinare sit necesse intellige-
re illas cupientibus: videmur posse eos ad-
mirari potius, quam vel sectari, vel quic-
quam ab illis addiscere. Optimum igitur
philosophandi genus in curiosa eorum opi-
nionis inuestigatione, ut quidam credide-
runt, non consistit.

- 6 *Illorum tamen cognitio, quam consequi ua-*
lemus, et ad probationem, & ad gra-
uitatem disciplinarum plurimum cōfert:
Nanque ob priscam auctoritatem Dijs af-
finem arcanum quiddam praefereunt, &
audientium animos in uetitu tendētes spe
quadam mirabiliter alliciunt. Propterea
Plato, & Aristoteles eorum interpositio-
ne admirabilius proprium philosophandi ge-

A ij

nus saepe reddiderunt.

- 7 Sed, ut tandem aliquando deueniam ad
Græcos, quorum placita perfectius à no-
bis cognosci possunt, Thalete, Pythago-
ra, Socrate, & alijs Philosophiæ parenti-
bus relictis: sectas uarias perpendendas in-
dico, quæ post mortuum Socratem florue-
runt, ut in illam incumbamus accuratis-
sime: in illa, inquam, quam omnium op-
timam cognouerimus, omnia nostra stu-
dia, omnem operam, curam & industri-
am locemus.

EPICUREI

- 8 **P**rimo latitia quadam gestientes occur-
runt Epicurei, & hilares ad eorū scholas
PRO
EPICV
RO. nos inuitant, & uaria nobis afferunt com-
mendatione digna: Nam iure uoluptatem
maxime commendant, si quidem nō obſce-
nam uoluptatem intelligunt, ut male non
nulli eis obiecerunt, sed animi. Quam
quidem ueram uoluptatem ab honesto se-
iungi minime uoluerunt.

- 9 Deinde recte afferuerunt sobriam, suauem-
que uitam ratione gigni, & neminem pos-
se, nisi qui honeste, prudenter, recteque
uiuat iucunde uiuere: & a uoluptate so-
lam uirtutem esse inseparabilem.
- 10 Præterea nec temere, nec inconsiderate uo-
luptatum genera diuiserunt: ex uolupta-
tibus enim alias naturales, & necessarias
esse, alias naturales, sed non necessarias,
nonnullas uero nec naturales, neque ne-
cessarias, sed circa inanem opinionem uer-
sari dixerunt.
- 11 Communem quoque hominum sententiam
non immerito damnarunt, qui censent in
quaui lingua primos extitisse nominum
inuentores: Cum sit potius censendum ab
innumeris prope nomina fuisse rebus impo-
sita, quæ quidem semper habuerunt, &
semper aliquam sunt habitura mutatio-
nem: cadent enim quæ nunc sunt in hono-
re uocabula, quæque iam ceciderunt, quo-
ties placuerit usui, renascentur. fortasse
igitur his rationibus eorum secta est eli-
genda.

- 12 *At quomodo eundum est nobis in Epicureo-^{ADVER-}
rum sententiam, cum optimum uolupta-^{SVS}
tis genus, de quo tamdiu laborarunt, mi-
nime cognouerint?*
- 13 *Quomodo uerum uoluptatis genus cognoue-
runt, cum supra corpus nihil conspexe-
runt: et animam & Deos procul ab omni
ueritate censuerint esse corpora?*
- 14 *Quomodo aliquid ueri unquam alibi enun-
ciare potuerunt, cum statim in ipsis rerum
primordijs à uero tam longe recesserint,
dum atomorum corpuscula, Democritum
sectati, rerum initia esse censuerunt?*
- 15 *Male illud etiam asseruere, omnia corpo-
ra, immò prima rerum principia esse gra-
uitate pradita: Et illius inclinationis
quam tribuunt atomis, dum à Democri-
to recedere cupiunt, nullam certam cau-
sam assignant: Neque quicquam enunf-
ciant, quod sit natura consentaneum.
Sed longum esset singula eorum errata re-
censere.*

- 16 **V** Erum fortasse rectius philosophati sunt PROCY
NICIS.
Cynici Epicuro aduersi, qui uolupta-
tem adeo spreuerunt, ut satius duxerint
insanire, quàm uoluptate affici. quod
profectò est de quodam uoluptatum gene-
re probandum.
- 17 Laborem deinde non sine caussa maxime
commendarunt, & in studiosis laborum
animis putarunt omnia inesse bona.
- 18 Illud etiam recte dixerunt nihil esse stultius
homine, nihil sapientius: Et homini nil
libertate melius contingere unquam pos-
se. Et eosdem nobiles, & uirtute pradi-
tos censendos esse: & uirum iustum consan-
guineo esse anteponendum.
- 19 At quis tantopere insipiet, ut inter Cynicos ADVER
SVS CY-
NICOS
connumerari velit, qui non solum cõtem
platiuas non ordinarunt disciplinas, sed
etiam, Diocle teste, naturalem philoso-
phiam, & rationales doctrinas spreuerunt,
ac insuper geometriam, & musicam huma-
no generi maxime consentaneas inutiles

iudicauerunt.

- 20 *Libertatem commendarunt : sed quo pacto fieri potest , ut , qui ciuilitatem omnem euertebant , recte ij senserint de libertate ?*
- 21 *Male etiam matrimonium, & nuptias rem inanem censebant, et male communes esse mulieres voluerunt.*

CYRENAICI.

- 22 PRO
CYRE,
NAI
CIS. *N**Vm primas tribuemus Cyrenaicis, & Aristippum Ducem eligemus ? hi enim, cum voluptatem, Epicureorum more, commendarint, eam melius videntur cognouisse, dum inter uoluptatem, & dolorem mediam posuerunt indolentiam, quod negarunt Epicurei.*
- 23 *Recte quoque affirmarunt voluptatem, & dolorem duos esse perturbationum omnium fontes : à quibus cetera ducerent ortum: et ad quos cetera redigerentur.*
- 24 *Insuper eorum sententia probanda est, dum mortalem hunc hominem vitam ex omni parte beatam assequi posse negant. Dicemus*

mus ne hanc ob causam huiusmodi nobis
Duces esse eligendos?

- 25 At valeant huius hæresis homines, qui nec
verum, nec rectum diiudicare ualuerunt: ADVER
SVS.
EOS
Nam verum nequeunt conspiciere, cum
rerum naturalium missam faciant inqui-
sitionem, ne corporis voluptatem labore
turbent, quam præstantiorem mentiuntur
voluptate animi.

- 26 Arecto quoque longe recedunt, cum dete-
rius, quam Epicurei lenem motum ad sen-
sum emanantem hominis finem statuerint.
Inde impudentissime affirmarunt nil natu-
ra iustum esse, vel honestum, vel turpe,
sed consuetudine tantum, & lege.

- 27 Huius sectæ peruersas sententias hoc vno fa-
cile diiudicare licet, quia Theodorij, qui
huius fuere classis, omnes de Dijs sustule-
re opiniones, ac maiorem corporis, quam
animi curam susceperunt. Anicerij quo-
que his coherentes amicitiam spreuerunt:
honorem erga parentes, & præclara facino-
ra pro patria, ut ignauissimi neglexerunt.

B

28
PRO
STOI
CIS.

Comprimunt fortasse Stoici sua ipsorum seueritate Cyrenaicorum licentiam, & luce aliqua mentis cecitatem repellent: hi namque optime statuunt duo prima rerum initia materiam, & formam, à quorum uno omnis manaret operatio: ab altero vero omnis passio, qua interitum haberet annexum.

29 Recte etiam cognouerunt ex his duobus initijs unicum exoriri mundum, intra quem nil vacui reperiretur, & eius formam esse essentialem ordinem partium constituentium uniuersum.

30 Optime de recto quoque senserunt, dum affectuum eradicationem sapienti conuenire affirmant, & perperam à multis in hac re accusantur: Cum eradicatione Stoicorum à Peripateticorum moderatione non seiungatur. itaque dissentiunt quidem voce, re autem conueniunt.

31 Insuper summa sunt digni laude, quoniam libertatem, & sapientiam ita iungunt, ut

unum sine altero nequeat consistere. pariter malitiam, & seruitutem iure complicant adeo, ut omnis malus censeretur debeat seruus, & omnis seruus malus. His itaque ac alijs plurimis recte ab eis constitutis mouebimur ad sectandas eorum scholas?

32 Verum quia necesse est, ut male de Deo, et de anima sentientes in omnibus delinquant cum Stoici censeant Deum esse corpus, & nostras animas illius diuini corporis esse portionem, iure culpandi, & deserendi sunt.

ADVER
SVS STO
ICOS.

33 Male etiam Philosophiam in Physicam, Ethicam, & Logicam distribuerunt: Namque non partem numerarunt pro parte, & partem precipuam dimiserunt.

34 A recto etiam longe uidentur recessisse, dum omnia bona nituntur paria esse ostendere, ac omnia quoque peccata paria affirmant.

35 Postremo Fatalis ea corporearum causarum series, cui omnia subiiciunt, & quam maximi fecerunt, non modo ueritati repugnat, uerum uniuersam etiam hominis uitam ueruertit. Eos itaque missos faciamus

SCEPTICI, ET HERACLITICI.

36
PRO
SCEP
TICIS.

AT forsan, quia ueritas in profundo latet, & hominis sapientia stultitia quædā censenda est: cum Pyrrone, & sectatoribus comprehensionem negare debemus & nil esse definiendum nil affirmandum asserere? præsertim cum ignorantia sit homini maxime familiaris.

37 Huc accedit, quod ob communis materiae inconstantiam cuncta, quæ nobis sunt proxima modo aliquo fluunt, & nihil est adeo sincerum ut permissionem aliquam non habeat annexam. Vnde fit, ut eorum, quæ sub sensum cadunt, nil proprie sit, sed potius esse uideatur.

38 Insuper commendatione sunt digni, quia de primis rerum initijs, de differentijs plurimis nil certi assequi ualemus. inde hominū sententia uaria sunt. Inde sensilia plurima in habitudine consistere uidentur, Et uni dulce alteri est amarū: uni utile, alteri est aduersum itaque septici, Zethici, Ephectici, Heratlitici uidentur recte sensisse.

39 *Sed quis nam adeo insaniat, ut eis censeat* ADVER
SVS
EOS.
*adherendum, qui dum propriam senten-
 tiam comprobant, eam maxime labefa-
 ctant? Quis eum eliget Ducem, qui suo
 se iugulat gladio? si enim comprehensio
 non datur, quomodo incomprehensibilita-
 tem comprehendunt? si nil decernendum,
 quomodo tanta constantia quod nil sit de-
 cernendum decernunt? si demonstratio-
 nem signa, & disciplinas tollunt, quomo-
 do tam anxie laborant, ut ostensionibus et
 signis in eorum sententiam nos trahant? si
 nil per naturam est, sed solum uidetur es-
 se, id quoque quod ipsi statuunt, minime
 esse dicendum est.*

40 *Accedit postremo, quod dū ex proprio dogma-
 te uita trāquillitatē pendere censēt huma-
 nā uitā, & solidā tranquillitatē euertūt:
 Censent enim nil natura turpe, seu hone-
 stū, seu iustū sed sola lege. quare nec ea erit
 uita tranquillitas, sed sine iudicio iudica-
 bitur ab eis: nec etiam lege aliquid tale
 erit, cum lex decernat, ipsi autem nil ef-
 se decernendum affirmant.*

Cum tandem ex eorum sententia res ita se

habeat, ut nobis uideatur, falsam asserere debemus eorum opinionem: cum & nobis, & plurimis ea esse falsa uideatur.

ACADEMICI.

41 *Qui à Platone per Speusippum, Zenocratē, PRO ARCE
CADESILAM, Lacydem, & Carneadem de-
MICIS. scenderunt, Academici dicti sunt, qui ob
varium interpretandi modum in sex Aca-
demias distributi adinueniuntur: quarum
tres fuerunt Attica: Nam vetus sub Ze-
nocrate floruit: media sub Arcesila: sub
Lacyde, vel Carneade noua. Reliquae pe-
regrinae fuerunt, quarum Aegyptia sub
Ammonio: Romana sub Plotino: sub Pro-
clo Lycia uiguit. Ego breuiorem sectatus
diuisionem, Academiam totam in nouam,
et ueterem distribuo.*

42 *Nouam statuo ueluti portionem totius Aca-
demia: Nam eam partem intelligi uolo,
quae nihil asserit, nihil decernit, & noua di-
citur non quia à priscis initia non sumpse-
rit, sed quoniam à Carneade, & iuniori-*

bus Academicis in puluerem deducta, & in lucem exquisitissime reuocata fuit.

43 Nomine veteris Academia dogmaticam intelligi uolo dum Plato, et eius sectatores de rebus aliquid decernunt, quam sapientum precipui maxime commendarunt: in hac enim tum de vero, tum de recto adeo magnifice differitur, ut ad Deum, & ad Republicam opportunum iter per hanc intueri valeamus.

44 Nam, cum Plato Pythagoram, Socratem, et Heraclitum sibi duces elegerit. ex omnibus summo iudicio desumpsit, quod congruum diiudicauit. Quare ex Pythagora naturam intelligibilium, & ordinem uniuersi, ex Heraclito huius Mundi mortalis inconstantiam: ex Socrate, qua ad morum compositionem attinent felicissime uidetur desumpsisse.

45 In hac vetere Academia optime cognoscimus à Deo cuncta dependere. Nam ipsum unum, & ipsum bonum Deus est: qui, perinde ac immobile centrum, nihil secundum formam, sed omnia quo ad eminentiam, et

E
X PYTHAG.
DEVM
PTA.

virtutem includit. Et hac est ea Pythagora decantata unitas, quæ varia consideratione aliquando sola esse dicitur: nonnisi quam vero non esse: sed eius, quod est, initium statuitur.

46 Hac facundissima unitas non sterilis māsit, sed omnia procreauit: Nam statim ei mens succedit, quasi circa immobile centrum immobilis circulus: in qua rerum fulgēt idea, quæ minime sunt rerum essentia abiuncta, ut male putarunt nonnulli: sed ipsamet essentia mentis, ut inferiora continet, ut ea representat, ut imitabilis est. ut tandem ea procreare nata est.

47 Anima mentē sequitur, quæ, quoniam magis declinat ad corpus, Et id agitare nata est, non insulse circulus mobilis nuncupatur: circulus quidem, quia menti, perinde ac capiti coheret, Et eam sectatur Et ambit, per eam bono iungitur: mobilis uero, quia excitatur, Et ex se habet, ut sequentia moueat: non tamen aqua, ac corpora, mobilis est.

48 Ab anima natura pendet, quæ nihil cognoscit.

9

scit, sed efficit. Quamobrem imago dicitur sapientia: in qua quidem rerum semina reperiuntur proportionem ideis respondentia. Hac non absolute est initium motus, si ad animam conferatur, sed dispositio potius, ut res facillime moveantur. Inde patet quomodo consultrix & provida dici possit.

49 Postremo iam apparet materia, qua non natura est, sed natura uehiculum, & locus dicitur non quidem corporum, sed formarum, seu potius participationis earum, et cum nunquam intereat, potest hoc aliquid auncupari multo magis quam compositum. Quare ea non Ens, sed Entis umbra, & infra Ens censeretur debet.

50 Ex huiusmodi centro, & circulis primo immobilibus, mox mobilibus, prime incorporeis mox corporeis, & ceteris consurgit Mundus, cum incorporeus, et corporeus, qui immobiliter moueri dicitur, cuius partes ea facultate sunt praeditae ut in quouis circulo eius, modo sibi conueniente mirabiliter omnia inesse dicantur. Hinc fit, ut

C

Mundus, & unus, & plurimi indicari possint.

- 51 *Inde notū est quā ratione omnia sint ab unitate profecta: & quo item modo in insimū labantur gradum: quo etiam ordinentur modo, ligentur, cognoscantur, curentur, sibi consentiant, & unitatē quærendo in suum finem redire ualeant, tum uirtute ligamenti corporum, tum formarum tum idearū. Hac enim triformi copula diuinitus trinitatis mysteriū præferente omnia felicissime sibi coherent, & seruantur.*
- 52 *Hac ex admirabili Pythagora potissimum fluxere, quæ tamen à Platone suis fuerunt numeris absoluta: qui quoniam sæpe mystice, & per anigmata ea denunciat, frequenter ab ijs carpitur, qui solam uerborum superficiem, & corticem aduertunt: præsertim uero cum ad rerum explicationem Mathematicis utitur. At qui diligentius secretiorem sententiā perpendit, eam admiretur potius necesse est, quā reprehensione dignam arbitretur.*
- 53 *Si uolumus etiam in hac Academia quæ ad*

uita & morum institutionem attinent ad
discere: socratica nobis offerentur praecep-
ta, quibus quid uenustius, quid conduci-
bilius, quid sanctius in Philosophorum
scholis ualemus audire?

- 54 Socrates nanque firmissima primo iacit fun-
damenta institutionis humanae uitae uide-
licet. Cognosce te ipsum. Addisce uerū ho-
minem, non hoc compositum, sed solam a-
nimam esse.
- 55 Ex his sequitur illud, eum, qui se curat, a-
nimum non corpus curare debere, prae-
erea non de corporis breuissima, sed de ani-
mi aeterna uita cupienti beate uiuere laborā-
dū esse. Ex huiusmodi radicibus quas ar-
bores, quos postea fructos sperare debemus?
- 56 Ac statim, ut nos ipsos, hoc est, ut animum
curemus, ut optima ualetudine ualeamus
triplices nobis uirtutes ostendit, uidelicet,
Ciuiles, purgatrices, & eas, quae animi
iam purgati nuncupantur, quibus omnes
animi aegritudines, id est uitia cuncta pro-
cul repelluntur, & firmissima sanitate
donamur.

- 57 *Ex his percipimus, animum, qui corpori se-
mācipat, compedibus uinciri, & in serui-
tutē adduci: dum uero uirtutum ope dis-
solvitur, & superioribus idem iungitur a-
nimus liber euadit. Inde capiti suo inserui-
re regnare est, inde Philosophia, uulgaris
mortis, & uera uita meditatio iudicatur.
inde maxime uiuit, qui uiuens ita moria-
tur, ut prauis cupiditatibus nō inseruiat.*
- 58 *Colligimus etiam ex iisdem rationibus, inter-
num hominem uere formosum esse: Nam
pulchritudo, quae idearum dicitur locus,
ab ipso bono ducitur. propterea ascenden-
ti anima occurrit pulchrum, & bonum:
descendenti uero turpe, & malum.*
- 59 *Sic quoque addiscimus, cur Socrates amo-
rem adeo commendauerit, cur asseruerit,
qui rem pulchram diligit, Deum diligit:
Nam amor à pulchro excitatur, Pulchrū
est bono iunctū. Quare pulchritudo admi-
rationē incredibilem, & desideriū parit:
cuius desiderij finis est, ut bono, & uni iun-
gamur: nisi Narcisi more, uera pulchri-
tudine relicta, eius umbrā presequamur.*

- 60 *Ex his optimam hominis dispositionē in uirtute consistere, ac uirtutem omnem animi esse purificationē cognoscimus, et quāquam Deo uirtutum forma non conueniunt, attamen homo per uirtutes Deo redditur similis, quā tantisunt momenti, ut hominē potētissimū reddere ualeant: Nā iniusti, & uitiosi, etiam si totius orbis imperio potiantur, impotentissimi, & infelicitissimi omnium censendi sunt.*
- 61 *Denique si considerauerimus ea, quae fluxerunt ex Heraclito, qui omnia, quae sub sensu cadunt, non esse, sed fieri existimauit, quid aliud inde colligemus, quā rerum caducarum inconstantiam, & humanae cognitionis imbecillitatem? Inde Socratis manauit sapientia. Hoc unum scio, quod nihil scio, ad compefcendam sophistarum arrogantiam.*
- 62 *Hoc unum Philosophia genus noua Academiae principes secuti sunt, in hanc doctrinam omnes neruos intenderunt: statuentes nil decernendum, sed de quauis re in utramque partem differendum esse. et id*

EX HB
RACLI
TO.

id genus orationis, quo Plato usus erat per
interrogationes & responsiones, ex umbra
in certamē deduxerunt: In hoc tamen er-
rasse credendum est, quod, cum mediocri-
tatem seruare debuissent, nimis ad extre-
mum declinarūt. ac in Eliacos, Eretricos,
Megaricos, & Dialecticos lapsi sunt: quo-
rum sentētias in multis similes Pyrrhonio-
rum placitis silentio prateriundas censui.

- 63 Ex percursis optime innotescit firmissimis ra-
dicibus niti veterem Academiam: grauif-
simas esse sententias eius, & plurimum va-
lere ad institutionem ingenui animi: No-
uam vero plurimum veritatis includere:
Ex illa diuinorum praestantiam: Ex hac
mortalium inconstantiam addiscimus.
Quare nemo in eam male animatus esse de-
bet. Sed forte quis suspicabitur Academiā
ceteris sectis esse praeferendam, & in ea sola
apprehendendas esse disciplinas.

- 64 Contra vero, quis nam eliget ab eo discipli-
nas addiscere, qui nil docere profitetur?
Quis ab eo scientiarum ordinem quæret,
qui eas in ordinem redigere negauit? Con-

ADVER-
SVS ACA-
DEMI-
COS.

cipias animo, quaeso, quibus *Meandris*, quo *Labyrintho* adolescens implicabitur, si rudis *Academiam* ingrediatur: potius.n. illam ignorantiam, quam ipsi profitentur, inspicere poterit, quam scientiam ullam ad discere.

- 65 Huc accedit, quod, cum disciplina proprijs terminis sint explicanda, cum vicissim nō sint permiscenda, cum sint etiam repellenda metaphora, in *Academia* omnem hanc rationem immutatam comperies. Nam eius *Antistes* raro terminis proprijs utitur, saepe metaphoras affert, sapissime disciplinas audet permiscere.
- 66 Ostensionibus prater ea efficacioribus sententia comprobanda sunt, non sufficiunt exempla: fabula nō ostendunt veritatem, nec in quavis pulchra imaginatione sine demonstratione conquisendum est. quoniā hinc fit, ut saepe iuvenes exteriori ea venustate allekti, umbras sectentur, odorentur flores, fructus autem non degustent, nec quod est solidum attingant.
- 67 Missum nunc facio Academicos in nonnul-

lis declinare à recto, dum ad vniuersum,
& partem eius pertinentia diiudicant, ac
insuper dū Remp. principijs Magistrati-
bus & legibus firmant ne in re minus utili
videar immorari.

- 68 Colligamus igitur alio conferenda esse nostra
studia, & in alia scola addiscēdas esse di-
sciplinas. in Academia vero pietate ac ue-
nustate quadam honestādas, quodam qua-
si celitus dimisso spiritu animādas, ad su-
blimiāq. tollendas. Quo circa & Medici
& Theologi praestantissimi in Academia
versati sunt: Et nemo in numero sapien-
tum recensetur, cui Socratis, seu Platonis
Daemon non annuerit:

PERIPATETICI.

- 69 Dum scholas ingredimur Peripateticorum
hoc primo mirabile occurrit, exactissima
disciplinarum distinctio, ordo earū exquisi-
tissimus, ac insuper Methodus singulis
partibus apprime congrua: ut ex omnibus
vnum conficiatur corpus singulis suis mē-
bris

bris ordinatissime absolutum.

- 70 *Distribuuntur primo disciplinae in instrumentarias, & precipuas. Instrumentariae sunt illae, quae circa duo praesertim versantur à natura nobis instrumenti loco tributa. Ea vero sunt oratio, & ratiocinatio. Quare disciplinae, quae vel orationem, vel ratiocinationem formare docent instrumentariae dici debent.*
- 71 *Harum precipua est Logica, quae nomen sortitur potius à ratiocinatione, quam ab oratione: quae & una, et triplex, & quincuplex dici potest.*
- 72 *Nam Logica est una, quatenus est disciplina ad explicandum instrumentum cognoscendi ordinata, quod et uniuersim, et sigillatim in eius partibus declaratur.*
- 73 *Eadem dicitur triplex, quatenus seorsum & sciendi, & opinandi, & decipiendi instrumenta declarat. decipiendi inquam, non ut decipiamus alios, sed ut perite deceptiones vitare ualeamus.*
- 74 *Si uero ratiocinationi orationis addimus ornamentum, uel inuentionem, imitationem,*

D

Et numerum, Rhetorica oritur, Et Poetica, quæ ab Auerroë, quamuis minus proprie, nomine Logica nuncupantur. Et ita quincuplex erit Logica.

- 75 His si grammaticam addimus, decipimur, uel saltem nimium fuisse logica nomine utimur: cum Grammatica ratiocinationem non includat. Quæ propter Aristoteles eas solas, quæ circa ratiocinationem uersantur consuevit nomine logica nuncupare.
- 76 Ex his est conspicuum, logicam, si sumitur ut una, pro subiecto sibi asciscere instrumentum cognoscendi, Si uero deinde ut triplex, seu ut quincuplex ita distincta subiecta assignari debet singulis conuenientia.
- 77 Nec repugnat, quod ei principia res considerata, modus considerandi, partes, Et passionés conueniant: Non enim conueniunt ut scientia, sed ueluti disciplina, quæ nos doceat instrumenta formare ad artes Et scientias omnes pertinentia, Et nisi ei conueniant proprie, conueniunt saltem Analogia quadam.
- 78 Quare à uero recedunt, qui logicum consi-

derare affirmant *Ens rationis*, et ob id partem esse *Philosophia* statuunt, id enim est omnino falsum. Cum huiusmodi *Entis* nec principia, nec partes, nec passionem cognoscere ualeat sub ea ratione, qua est *Ens rationis*.

- 79 Nec inficiari debemus *Logica* principia conuenire: immo asserendum est, *Logicam* esse *Methodum*, qua utatur intellectu. Et addendum omnibus huiusmodi *Methodis* conuenire principia, causas, & Elementa. quanuis de *Logica* plurimi id negare audeant.
- 80 Principia prima *Logica* uaria consideratione statui possunt, tum quinque uniuersalia: tum decem predicamenta, tum nomen, & uerbum: tum terminus: seu subiectum, & predicatum. Nam haec omnia *Logico* conducunt, & principiorum obeunt munia.
- 81 Nam cum de libro *Pradicamentorum* maxima sit altercatio, statuendum esse censeo, id minime esse opus *Metaphysicum*, nec habitu *Metaphysico* fuisse elaboratum,

sed potius communi quadam peritia. Et Logica fuisse prepositum ut ei materiam offerret, de qua, & circa quam formari, & uersari debent secundæ intentiones.

- 82 Quoniam definitio & demonstratio partim conueniunt, partim sunt instrumenta sciendi distincta, & pro exacta eorum notitia est necessarium utrumque cognoscere, iure inanis est dubitatio, quomodo definitio consideretur in libris Posteriorum, vel ut instrumentum distinctum, vel per collationem ad demonstrationem: Nam procul dubio utroque modo consideratur, cum eiusdem sit disciplina utrumque declarare.
- 83 Si considerantur definitio, & demonstratio, ut in idem veniunt, frustra queritur quid sit prestantius. Si considerantur, ut vicissim distinguuntur, tunc varia consideratione, & definitio demonstrationi, & Demonstratio definitioni prefertur.
- 84 In demonstratione aliquid inest, quod gerit vicem formæ, aliquid, quod materia. Quæ obrem dicuntur in lib. Priorum attinentia ad formam, in lib. Post. attinentia ad ma-

teriam declarari. quod cum in parte sit verum, verissimum quoque hoc censeo, in lib. Priorum communem, in lib. Post. propriam formam demonstrationis explicari.

- 85 Medium per se cuiuscunque perfecta demonstrationis statui debet causa passionis, quae cum sit aliquando definitio explicans quid subiecti, ac etiam eadem sit definitio dicēs propter quid passionis, iure dicimus mediū demonstrationis esse tum definitionem subiecti, tum passionis, tū nullius horum: semper tamen est ratio primi termini.
- 86 Vnde colligimus medium potissima demonstrationis minime esse quid internum rei, quae demonstratur, sed semper quid externum: Nec est rei forma, nisi similitudine & analogia quadam cum tamē collatione ad subiectum, & forma, & quid internum censeari possit.
- 87 Definitio alterum est instrumentum cognoscendi, quo dissolvitur quaesitum simplex, & hoc substantijs praesertim: modo vero aliquo etiam accidentibus inseruit, ut etiam modo aliquo substantia nomē eis tribuitur.

- 88 *Accidentium definitio aliquando solum explicat quid, quæ ex materia, & forma conflatur: aliquando solum propter quid, & conflatur ex efficiente, vel fine, quæ potius causa definitionis dici deberet. ut octauo Metaph. monet Aristoteles: Nonnunquã efficit utrumque, & ea nuncupatur definitio solo situ à demonstratione differens.*
- 89 *Nil tamen prohibet quin definitio ex externis conflata nuncupetur nonnunquam formalis: Nam id euenit, quia respectu alterius gerit vicem differentia. insuper quia ex eis altera infertur, ut in substantijs ex forma infertur materia. Postremo quia quæ minus propria sunt, & minus attingunt essentiam rei, formalia nuncupari cõsuevere, ut Dialecticus per formam definitione dicitur.*
- 90 *Substantia definitio non eodem modo distribuitur: nam ea ex internis definiri dicitur materia, in quam & forma, & ex parte, quæ formam denotat, infertur altera, & non è conuerso. Nil tamen prohibet, quin aliquando etiam substantia tribuatur utra*

que definitio, ea inquā, quæ explicat quid,
 Et altera, quæ propter quid declarat.

- 91 Ex dictis primo colligimus eam definitionē,
 quæ principium demonstrationis est, non es-
 se proprie passionis definitionem: sed potius
 nuncupari debere (ut etiam ab Aristotele
 nuncupatur) causam definitionis.
- 92 Inferimus secundo proprie sumptam defini-
 tionem solum ex internis principijs constla-
 ri debere: Nam externa minime quid res
 sit manifestant, sed potius propter quid.
- 93 Insuper tertio innotescit, quo modo definitio
 nem omnia genera causarum per se ingre-
 dianitur, Et etiam quomodo duo sola per se,
 duo uero ingrediantur per accideus: Nam
 definitionem explicantem quid, solum ex
 accidenti externa causa ingrediuntur.
- 94 Neque etiam à uero recederemus dicendo so-
 lam formam constituere definitionem, Et
 partes eius omnes esse formas.
- 95 Cum definitio ex uno termino constari non
 possit, sed necessario ex pluribus: non pro-
 pterea uniuersim uera est regula tradita
 secundo Post. quod singula partes definitio

nis in plus se habeant: totum autem non in plus.

- 96 *Hinc colligimus differentias non semper conuenire uariis speciebus: Nam dantur differentia ultima uni soli speciei conuenientes: quae tamen frequenter latent.*
- 97 *Nec propterea Philopono adhaerendum, qui definitionem differentiae ita intelligendam uoluit. ut dicatur de pluribus differentiis specie, uel numero: Nam absolute dicendum de differentiis specie predicari.*
- 98 *Ad absoluendam, & comprobendam definitionem confert & diuisio, ut Plato censuit, & demonstratio, ut Hippocrates, & compositio, ut Aristoteles, quod tamen proprie demonstretur fieri nequit.*
- 99 *Hinc inferimus, Philosophum, quamuis primo de partibus animalium & secundo posterius preuise uideatur diuisionem, non tamen eam absolute damnare: Sed secundo Posterius negat ex ea monstrari definitionem & primo de partibus, superuacaneas, & redundantes diuisiones despicit; at recte constitutam diuisionem plurimum commendat.*

- 100 *Præcipua tamen omnium Methodorum, quibus definitio inuestigatur, censeri debet compositio: Et hæc est maxime consentanea nostro modo cognoscendi: Neque Aristoteles secundo Poster. Et sexto Topi-
corum sibi pugnantia dicit, ut perperam nonnulli asseruerunt.*
- 101 *Dialectica longe seiuncta est à Logica. Sumitur tamen pro ea parte logica aliquando, quæ docet syllogismum dialecticum. Et ita ea quoque instrumentaria est. Attamen, si sumitur proprie, est disciplina, quæ per omnia uagatur, Et quicquid est scrutari potest.*
- 102 *Dialectica à Platone præclaris laudibus extollitur, Et non solum pars Philosophia, sed etiam apex Et absolutio disciplinarum omnium nuncupatur, Et scientiis omnibus præfertur: Ex eo tamen non est colligendum eum putasse logicam esse scientiam ut perperam multi ex latinis existimarunt. Non enim Dialectica apud eum logica est.*
- 103 *Neque etiam eam denotauit dialecticam, quæ apud peripateticos probabiliter solum*

sequi dicitur. Quo ad institutionem quamdam, et directionem humana uita praeurrit: quoad absolutionem, & exquisitā earū adeptionem, et cognitionē subsequitur.

114 *Si Methaphysica cum aliis contemplatiuis confertur, uaria consideratione, modo prima, modo ultima iudicanda est: Nec propterea est cum quibusdam modernis dicendum ex accidenti solum non autem respectu nostri postremam esse.*

115 *Si Mathematica aliis conferantur dicendum est idcirco esse primas quòd facile percipiantur: Ratione ordinis abstractionis esse medias: ratione dignitatis postremas.*

116 *In his contemplatiuis disciplinis exquisitissime omnia explicantur, quae ad totius uniuersi absolutam cognitionem pertinet. Quo circa haec philosophia Mundus quidam intelligibilis iudicari potest, nō secus ac mundus corporeus, maxime sibi coherēs & exquisitissime in ordinem reductus.*

PRINCIPIA RERVM NATVRA CONSTANTIVM.

117 *Cum totum uniuersum Philosopho conside-*

randum proponatur, quia sumus mortales, quia in medio, ac in loco generationis degimus. Et uariationi obnoxia a nobis facilius cognoscuntur, iure cogimur ab iis exordiri, ut partim sensu partim ratione innixi ad supremum principium extolli ualeamus.

- 118 Ut res transmutationi obnoxias cognoscamus, cognoscenda sunt principia, causa, et elementa: Quae tres uoces minime (ut censeo) ita sunt accipiendae, ut singula earum certum causa genus denotent, ut cum Graecis putauit Auerroes: Namque solo causa nomine omnes denotare potuisset.
- 119 Neque etiam indefinite ita enunciantur, ut unaquaque pro eo sumatur, quod denotare potest, ut nonnulli existimarunt: Negligentiam enim potius Philosophi hac ratione indicaremus, quam accuratissimum eius Philosophandi modum.
- 120 Asscramus igitur Philosophum tria indicare uoluisse, quae in omnibus scientiis, et in earum absolutis traditionibus exquirenda sunt uidelicet, ex quibus precedentibus

Et dialectica superaddit ornamentum, Et
copiam orationis. Quare hac quoque ali-
qua ex parte instrumentaria censeretur potest:
proprie tamen minime est instrumentaria.

106 Cum Rhetor eloquentiam adhibeat oratio-
ni, Et ob id eo appelletur nomine, attamen
ex ratiocinationibus Et suadendi mo-
dis potius quam ex orationis splendore Et
apparatu naturam Et vim sortitur.

107 Sophistica etiam cum sit modo aliquo pars
logica, proprie tamen loquendo est seiuncta
a logica, et non secus ac dialectica circa
omnia, qua sunt, uersatur, non iniuria ue-
natrix disciplina nuncupari potest.

108 Insuper Poetica, qua in comica, uel tragi-
ca inuentione, et imitatione numerum, fa-
bularum, Et metaphoras adhibet orationi,
ut cum delectatione prodesse possit, aliquam
etiam affinitatem habet cum logica, per
exiguam tamen.

109 Haec igitur quattuor disciplinae dialectica,
Rhetorica, Sophistica, et Poetica aliquo
modo instrumentaria dici possunt, proprie
tamen loquendo, sunt disciplinae quaedam

principiis pendent res : ex quibus presentibus elementis res constant , & quæ cum rei, tum affectionum eius sint causa: Quæ tria, & si subiecto aliquando in idem ueniant: ratione tamen semper seiunguntur.

121 Quæ propter omnis sciētia prædita est principiis, causis, & elementis: Nam & Mathematicarum sunt principia causa & elementa.

122 Principia ad notitiā per demonstrationem, & per definitionem referuntur. Elementa ad definitionem, causa ad eam, quæ est per demonstrationem.

123 Ita optime explicare ualemus cur primo Poster. dicat, scire esse rei causā cognoscere, in Proœmio Phys. et sexto Metaph. asserit cognoscenda esse principia, causas, & elementa.

124 Proœmium lib. phy. non debet iudicari commune uniuersæ naturalī Philosophiæ, ut est quorundam sententia: Neque ita contrahi debet, ut solum primo libro inseruiat, ut nonnulli existimarunt: Sed censeo & primo, et secundo libro inseruire, potissimum

tamen libro primo, ac insuper uirtute quādam reliquis sex libris.

125 Quamobrem ab ijs dissentimus, qui ordinem uniuersæ Philosophiæ in eo procæmio manifestari asseuerant: id enim tam est falsum, quàm quod falsissimum.

126 De inscriptione librorum qui Auscultatorij dicuntur uaria sunt sententia. Ego, alijs posthabitis, hanc ueriores affero, ut soli duo primi libri dicantur de principiis, reliqui sex de motu: cum tamen ratione alia omnes de principiis nuncupentur.

127 Rerum naturalium principia possunt statui unum solum & id infinitum, & immobile ut Parmenides & Melissus asseruerunt.

128 Possunt censerī duo, ut Pythagoras, et Zeno iudicarūt, et ea duo sunt Deus, et Materia.

129 Possunt dici sex, ut existimauit Empedocles, quattuor elementa ac insuper lis, & amicitia.

130 At si proprie loqui uolumus, principia interna collatione ad transmutationem tria sunt statuenda uidelicet duo termini & subiectum.

subiectum.

- 131 *Materia uere dicitur et mala & femina non tamen est ipsum malum, ut Plotinus putauit. Sed procul à cōtradictione iudicari debet mala per accidens, bona per se, ac insuper nec bona, nec mala, nec turpis, nec pulchra.*
- 132 *Vt uero rem hanc distinctius explicem dico, materia in prima notione est transcendenter bona, formaliter uero nec bona nec mala.*
- 133 *In secunda notione est mala & turpis sed per accidens non per se.*
- 134 *In tertia notione est et pulchra et bona sed utrumque per accidens.*
- 135 *Minime probandam censeo communem sententiam, primam materiam à primo Philosopho non considerari, immo assero eam proprie ab eo solo considerari posse.*
- 136 *Materia est pradiata suis gradibus, ut ipsa quoque ad Deum pro facultate consurgat, qui nec tres tantum, nec quattuor sunt ut nonnulli censent, sed statuendi sunt quinque.*

- 137 Hoc indefinitum principium tam incerta natura est, ut unum sit negative, unum priuatiua; multiplex aptitudine, multiplex actu; ac tandem nec unum, nec multiplex.
- 138 Ei coaterna est potentia, quae uaria consideratione censeripotest, & essentia materia, & proprietates eius: & insuper accidēs.
- 139 Ac eadem potentia tum una tum multiplex, tum aeterna, tum generabilis iudicatur, singula nanque in bonum sensum rediguntur.
- 140 Hec materia dicitur appetere formam, qui appetitus nil est aliud, nisi ordinatio ad formas, & non repugnantia ad eas recipiendas. ideo nec cum cognitione, nec proprie naturalis appetitus censeridebet.
- 141 Appetit non modo formam, quam non habet, uerum etiam quam habet. Hinc pulchra oritur dubitatio an ea appetere ualeamus, quae possidemus, & partem utranque modo aliquo esse ueram affirmo.
- 142 Forma altera ex parte etiam materiam appetit, secus tamen ac ab ea expetitur: nec expetit materiam quam non habet, sed eā

*solam quam habet ualde tamen in proprie
eam dicitur appetere, sed potius eam sup-
ponere & appetere sui conseruationem.*

- 143 *Forma mortalium, qua generationis ter-
minus est, & si eterna non est, multo ta-
men est excellentior materia. Non enim
omne eternum praestantiusest corruptibili,*
- 144 *Iure igitur dicimus Formam esse totam
naturam rerum, materia enim de se mi-
nime est natura: sed solum id nomen sorti-
tur, quatenus formam recipit.*
- 145 *Sed ludamus cum antiquis, & dicamus
solam materiam esse naturam, ac eandem
esse totam rerum essentiam. Formas uero
esse solum dispositiones quasdam & ha-
bitus uel magis, uel minus proprios, ac in-
ternos: & ita per non nullos nomen & de-
finitionem uariari, per alios minime.*
- 146 *Natura cum proprie sumitur, nō solum ab
intellectu, uerum etiam ab anima seiun-
gitur, & infra animā locatur. Philosophus
tamen secundo Phy. naturā sumpsit pro o-
mni forma substantiali, qua terminus es-
set generationis. Simplicius autem secus se*

tiens recessit profecto ab Aristotele.

- 147 *Natura adeo est affine Fatum, ut re sit idē & sola ratione seiungatur: cum uero Aris. non uideatur de Fato uerba fecisse; tamen illud exquisite declarauit.*
- 148 *Causarum genera quattuor sunt, & quem admodum in singulis generibus ordo aliquis consideratur, ita etiam inter ipsa genera inuicem collata reperitur, & uaria respicientes modo uario ualemus ordinem assignare.*
- 149 *Nam si ordinem consideramus productionis, primo occurrit finis, qui excitat efficiens: inter quæ duo mediat exemplar; efficiens transmutat materiam, inter quæ duo mediat instrumentum, postremo forma confurgit.*
- 150 *Si ordinem dignitatis consideramus, primas tribuere debemus fini, cui succedit efficiens (quicquid multi alij sentiant) tum forma, postremo materia.*
- 151 *Si ordine nostræ inquisitionis animaduertimus, primo occurrit compositum ex materia & forma, deinde ad efficientis in-*

quisitionem excitamur , postremo ²³ finem
inquirimus.

FORTVNA ET CASVS:

- 152 **F**ortuna, & Casus minime debent in
Deorum numero recenseri. Et frustra
Romani templum fortuna posuerunt, nec
id in mundo imperium obtinent, ut singu-
la Casu, uel fortuna fieri dicantur. Qua-
re minus recte loquitur Plato, dum asse-
rit Deum, & post Deum, Fortunam &
tempus omnia gubernare, ea tamen senten-
tia in bonum sensum redigi potest.
- 153 Sed hoc magis prater opinionem iudicabi-
tur, si dixerò Casum & Fortunam ex Ari-
stotelis sententia in cælo, in intelligentijs,
in Deo locum habere; quod tamen maxi-
me affirmandum iudico, nisi enim in ijs es-
set, in hoc Mundo mortali locū nō haberet
- 154 Auerroi non censeo adharendum, quod Ca-
sus, et Fortuna solum habeant locum in ijs,
quæ rarò fiant; Sed Auicenna sententiam
comprobo, quod etiam in ijs quæ aequè fieri
et non fieri possunt reperiatur. Censeo ta-

men dicendum fortuitos effectus latitudine esse praditos & eos, qui rarius sint nati prouenire, magis etiam fortuitos esse nuncupandos.

155 Putant multi Sortem à Fortuna non seiungi, quod minime est admittendum: Nam multa, quae eueniunt raro, dicuntur euenire Sorte, quae nec à Casu, nec à Fortuna proueniunt.

156 Pulchra est dubitatio, an homo sit sua Fortunae faber, de qua re haec est mea sententia: qui sapiens est, etiam Fortuna sua faber euadit: insipiens nequaquam, nisi minus proprie veluti dum sua insipientia miser nuncupatur cuius ipse fuerit author.

157 Fertur communiter Fortunam esse aduersam virtuti, quod minime approbandum censeo: potius e contra dicendum: Sapientem, & praditum virtute aduersum esse Fortune, cum eam paruipendat, & sibi substernat.

158 Ac insuper non male iudicaremus, si soli sapienti Fortuna bona asseremus conuenire: Nam insipiens bonis omnibus est destitutus.

- 159 *Est profecto Fortuna mutabilis, cum tamē in sua mutabilitate sit firmissima, non insulse olim sedens picta fuit; cuius rei non ea est assignanda ratio, quam attulit quidam, inquit, quia Fortunam nunquam vidi stantem, sed alia.*
- 160 *Fortuna non in homine solo, sed etiā in brutis & expertibus anima locum habet, modo tamen diuerso.*
- 161 *Redigitur Fortuna ad causam efficientē, dum ea ex accidenti & prater intentionē aliquid efficit: at magis communem usum loquentium seruaremus, si nihil esse dicere mus aliud prater latentem quendam concursum diuersarum causarum.*

SIMPLICIA CORPORA.

- 162 *Quae primo ex principijs constantur sunt simplicia corpora, quae non solum quattuor sunt, ut antiqui putarunt, sed quinque, ut sensu, & ratione comprobauit Aristoteles. Quare à recto recedunt nonnulli ex modernis, qui ignem, elementum praestantissimū, è numero elementorū conantur explodere,*

- 163 *Magis tamen ex antiquis illi falluntur, qui cælum, vel ignem, vel ex igne conflatum existimarūt: quod si modo aliquo probare volumus; & asserere, cælo conuenire elementa, dicamus in eo singula cōiunctissime reperiri eminentia quadam, in super virtute, & effectiue; postremo ratione similitum quarundam proprietatum, at secus ibi minime excogitari possunt.*
- 164 *Mouentur suapte natura simplicia corpora non solo motu circulari, ut Ptolemaus, & Plato existimasse creditur, nec solo motu deorsum, ut censuit Straton, & Epicurus, sed motu triplici, à medio, ad medium, & circa medium.*
- 165 *Horum simplicium corporum unum solū reperitur simplex, & purum, cui nulla impuritas conuenire potest uidelicet cælū cetera semper sunt permista, & minime possunt sincera reperiri.*
- 166 *Neque etiam cælum ita est purum, ut nulla in eo diuersitas reperiatur; nam & alius alio sincerior orbis, & pars parte iudicari debet. id tamen nō proficiscitu, ex contra-*

rij admiffione, ut recte cēfuit Alexander.

167 *Eft tamen cælum ea eminentia praditum, ut cum fui puritate omnem contrarietatem includat, & uere mundus fphærus Empedoclis, & mundus amicitia cenferi potest: Nam in cælo omnia terrena funt, fed modo cæleſti.*

168 *Motus cæli eft profecto fecundum naturā, non tamen, ut fenſit Simplicius, ratione mobilis ſolum, fed, ut rectius iudicauit Alexander, ratione utriuſque cum Mobilis, tum Motoris; Non tamen ita ſe-
cundum naturam, ut motus quattuor elementorum.*

169 *Ambigitur de Hemifphærijs quodnam ſit præſtantius, num id quod ad Boream, uel potius quod ad Austrum uergit. Ego utrunque æque nobile affirmo, & idipſum de polis cenſendum iudico.*

170 *Lumen non primo conuenit orbi ſolis, ut multi cenſent, fed cælo, ut ſubiecto adequato; Octaua Sphæra autem tanquam præcipua parti eius; & hoc eſt intelligendū, facta comparatione inter uariosorbes. At,*

si uicissim comparantur stella, lux soli potissimum conuenit.

M V N D V S.

- 171 *Mundo ratione cæli uaria conueniunt: Nam, si æternus est, ut censuit Aristoteles, ea æternitas primo cōuenit calo, & ratione eius mundo mortali, id ipsum de sphaericitate censendum est.*
- 172 *Si ad natura uires conuertimur, uere cognoscimus Mundum ita esse unum, ut, dum aliquis asserat Mundos esse plures, oriatur propositio, qua impossibilis est nedum falsa,*
- 173 *Mūdorum multitudo non solum materia repugnat, sed etiam forma, fini, & efficiēti: omnia enim maxime sibi sunt cōsentanea pro unius mundi constitutione.*
- 174 *At uagemur parumper & dicamus, mundos esse duos, esse tres, quattuor, quinque, & propemodum infinitos.*
- 175 *Sic uero consentanea protulit Empedocles dum mundos statuit litis & amicitia, qui uicissim permutarentur: Nam altissimū*

tunc mysterium indicauit.

- 176 *Nec à recto recessit Anaxagoras, dū chaos, & infinitam corporum mixturem statuēbat, & mentem superaddebat scermentem, cui tamen secretioni nunquā imponendus esset finis.*
- 177 *Mundi forma multiplex assignari potest, Primo Deus forma est uniuersi; secundo cælum collatione ad mundum mortalem dicitur forma; tertio datur forma externa qua figura eius est.*
- 178 *Propria tamen eius forma censerī debet, ut optime Teophrastus existimauit essentialis ordo corporum concurrentium ad uniuersi constitutionem; seu ipsamet forma essentialiter ordinata.*

MUNDVS MORTALIS.

- 179 **M***Vndus mortalis continuus dicitur superioribus rationibus & iure continuus dicitur, non autem contiguus; ac rationibus superioribus, non autem corporibus. Cur uero ita dictum sit rationes nitā asserre. Non enim uocibus abutitur*

Philosophus, ut multi censent.

- 180 *Statim sub cælo collocatur ignis, qui cum circulo moueatur, motus ille uaria consideratione, & secundum naturam, & præter naturã, & supra naturã censeripotest.*
- 181 *Hoc elementum ignis, si purum fuerit, minime lucere potest: Nam lux in mortalibus qualitas secunda est. quare flamma purus ignis censeripotest.*
- 182 *Aer minime sui natura iudicari debet frigidus, ut antiqui putarunt, & nonnulli ex modernis affirmant, sed calidus potius, ut existimauit Aristoteles.*
- 183 *Dum quarimus causas: cur aqua totã non inundet terram, id minime stellis nõnullis tribuendum est, quæ uolenter aquã quasi suspensam detineant: Sed in omni genere causæ causam propriam assignare debemus; quas omnes afferam dum opus fuerit, ex quarum cõcursu adæquata causa emergit.*
- 184 *Natura optime comparatum est, ut aqua seruaretur, ne terra omnino redderetur arida, ut hyberno tempore plus aqua ge-*

neraretur in aere, quam aestivo. Econtra vero aestate plus aqua in visceribus terrae gigneretur quam in aere.

185 Si supra terram altissimos conspiciamus con-
surgere montes, minime eos censere debe-
mus aeternos; sed fieri, & variari, ad quorū
productionem concurrat terra madefacta
tanquam materia; concurrat sol tanquam
commune efficiens; concurrunt spiritus,
qui ex terra procreantur, & partes tollunt,
& frequenter per terramotus, euerti, & ex
tollī montes possunt.

186 Qualitates competentes elementis iure sunt
quattuor, nam dum ad mixti constitutionē
concurrunt, humor cōfert ad receptionem,
siccitas ad retentionem, caliditas ad effi-
cientiam, Frigiditas ad temperantiā.

187 Quae in puris elementis summae esse debent,
& nulla ex parte remissa: quoniam remis-
sio earum denotat impuritatem, nec esse po-
test absque contrarij admistione: quoniam
materia minime potest huiusmodi quali-
tatibus denudari.

188 Nec propterea colligendum omnem remis-

stonem fieri per proprie sumptum contrarium, id enim de nonnullis minime uerum est, cum praesertim subiectum utroque contrario nudari potest. ac etiam cum forma quaremittitur proprie contrarium non conuenit.

- 189 Ex his colligimus non toto genere caliditatem esse contrariam frigiditati: nec humiditatem siccitati, ut nonnulli existimarunt. Nam, si id esset, minime se cōpaterentur. At cōtrarietas excessum graduū exposcit,
- 190 Neque uulgaris sententia admittenda est, quod contraria appetant se destruere, & ignis expetat cetera cōsumere, id enim minime est natura consentaneum. Quare nec lupus expetit mortem agni; nec aliud, quod natura operetur, expetit interitum alterius, sed uel sui cōseruationem uel sui propagationem.

METEOROLOGICA.

- 191 Hac elementa, dum à sua natura recedūt, vel ut uicissim vertantur, vel ut mistum cōficiant, Meteorologica constituunt;

quæ iure affectiones elementorum nuncupantur rectius, quàm mista imperfecta.

- 192 Horum principia proxima sunt duo halitus, ex quibus vel secundum naturam eleuatis, vel vi ad ima depressis omnia fieri Meteorologica censendum est, modo tamẽ vario.
- 193 Ac insuper elementis omnibus aliquem spiritum permisceri putandum est, vt in eis aliquid caloris semper inest: Minime tamen spiritum illum eis tribuo, quem posuerunt Stoici.
- 194 Cum maxime ambigatur de uia lactea, & à plurimis reijciatur sententia Aristotelis. Ego tamen optime locutum Aristotelẽ censeo: Neque ob id nego, etiam in Cæli substantia uiam lacteam reperiri.
- 195 Ex eodem duplici halitu etiam metalla gignuntur, quæ negauit Auerroes eadem specie posse arte confici. Verum de nonnullis id negare minime debuit, de præstantioribus apprimè negandum: & frustra laborât Chimici in auro conficiendo, & dum etiam arte aliquid efficitur, non proprie arte, sed

*natura fieri censendum est seu Physica
Magia.*

- 196 *Quartus meteorum liber non est ita ab
alijs secernendus ut sit liber de mistis seu
Ætus, ut latinorum nonnulli putarunt, hoc
enim Aristiotele et ueritati repugnat;*
- 197 *Neque etiam ita iungi debet libris de ortu
et interitu, ut libris Meteorologicis prae-
feratur neque in hunc errorem prolapsus est
Alexan. sed qui perperam Alexandrum
intelligunt.*
- 198 *Dicamus itaque quod quartus ille liber ob-
rem, de qua agitur alijs tribus perinde ac
finis iungendus est; ratione tamen principio-
rum a quibus pendet, maxime heret libris
de ortu, et interitu ut optime sensit Excel-
lentiss. Præceptor meus. D. FRAN-
CISCVS PICCOLOMINEVS
nec ab Aris. nec ab Alex. recedens.*

P L A N T A E.

- 199 *Planta minime uiuunt, et aluntur per
animam terræ, ut censuit Plotinus, Nam
propria uiuunt anima, cuius expertia cē-
seri*

seri debent & terra, & reliqua elementa:
 & dum Simplicius aliter sentit, ab Aristotele recedit, & iniuria carpit Alexandrū.

- 200 Si sensu essent pradiā, ut nonnulli iudicant, tantum abest ut Mundus per id maiorem perfectionem sortiretur, ut potius dicendum sit fore, ut aliquo perfectionis gradu destitueretur. Siquidem minime datur transitus sine medio: & ut in loco, ita in rerum gradibus inane non admittitur.
- 201 Quare aberravit Empedocles, qui plantis sensum conuenire putauit, nisi nomine sensus abutatur, quod Philosophus facere non debet.
- 202 Magis adhuc Democritus aberravit, qui eas arbitratus est voluptate ac dolore affici, nec sentiendi modo, sed & cogitandi, & intelligendi vim habere.
- 203 Cum itaque Plantae omni sensu sint destituta, iure nec somnus nec vigilia, nec alia sensuum affectiones eis conuenire possunt, & errant, qui plantas dormire credunt.
- 204 Censere tamen debemus eam in plantis latitudinē reperiri, ut alia eminentiori, alia

obscuriori uita gradu pradiſint alioquin
omnes eſſent eiufdem ſpeciei, & nimium
anguſta eſſet earum natura.

- 205 Planta non ſolum ex ſemine procreantur
uerū etiam ex putri materia, uel in terra,
uel in alia Planta. Vnde ab Alberto rece-
dendum puto, qui non plantas, ſed ſolum
animalia poſſe fieri ex putri exiſtimauit.

STIRPANIMALIA ET ANIMALIA.

- 206 S Tirpanimalia mediant inter plantas et
animalia; tamen, cū ſint pradiſenſu,
absolute in animalium genere locari debent
207 Hec quoque non ita ſunt media, ut in in di-
uiſibili conſiſtant, nam latitudine ſunt pra-
diſa, & quædam ad Plantas, alia ad abſo-
lutiora animalia magis accedunt.
208 Animalia mox abſolutiora generantur,
quæ motu ſecundum locum mouentur, qui-
bus abſolutior cōuenit uiſimaginatrix, per
quam multa efficiunt: hæc enim eſt ſup-
prema omnium facultatum, quæ eis conue-
niunt & facta ad hominem cōparatione
Mens brutorum dici poteſt.

- 209 *Animantes cicures esse natura praestantiores feris affirmat Arist. primo Polit. id tamen esse uniuersim uerum minime crediderim, Nam cum ex timore, tum ex imbecillitate sua natura fieri potest, ut disciplinabiles, & cicures nonnunquā euadāt.*
- 210 *Animalia aquatilia plura, multiformiora, & maiora dicuntur reliquis. Sed quid, si oppositum tueamur, & asseramus plura esse, quae in aere degere possunt?*
- 211 *In igne nullum animal ualet uitam ducere, & quod de salamandra, & uermibus pyralibus dicitur ad fabulas reiciendū est.*
- 212 *Neque etiā datur auis, quae ita Elemento aeris addicta sit, ut in eo semper degat, et nunquā in terrā descendat, et quae enuntiatur de auicula Dei figmenta sunt hominū.*
- 213 *Frequenter cōspiciuntur animalia monstruosa: Nunquā tamen gigni potest tam multiforme monstrum, uel in animalium uel in Plantarum genere, ut constet ex partibus animalium diuersa speciei.*
- 214 *Neque propterea inficiandum censeo in uetusta niue nonnunquam uermes gigni.*

posse, qui tamen ex niue minime sunt, sed
potius ex materia putri & calido spiritu
qui sub niue per antiperistasm congregatur.

215 Inter fabulas refertur quod de Perdice dicitur ab Aristotele quinto de historia animalium, quod si aduersa maribus steterint & uetus ea ex parte afflet, ubi sunt mares, concipiunt famina, & plerunque etiam uoce animalium, & volatu marium super faminas replentur. Nit ar tamen sententiam Aristotelis ut ueram, non ut fabulosam, sustinere.

216 In fabularum tamen numero illud habendum esse reor, quod dicitur de Pygmeis. Nullibi enim hoc monstrum repertum est; & si reperiretur, specie non differret ab homine.

217 Quod apes careant auditu minime credo.

218 Talpam uero non uidere affirmandum censeo: Non enim cum Simplicio dicendum credo, solum uisu exquisito carere; & differentiam percipere lucis & tenebrarum, id enim meo iudicio non est admittendum.

- 219 *Ambigitur, num formica per imaginatiuam grana colligat, vel per naturam: ego, cum per imaginatiuam, tum per naturam id fieri affirmo: uario tamen modo. Neque hac dicens pugnantia profero praesertim tamen id per naturam fieri dicendum est.*

H O M O.

- 220 *Animalibus omnibus dominatur homo, quoniam sensibus ratio, & rationi mens dominatur. Rationis autem & mentis solus homo est compos. Quare à uero recessit Porphyrius, & cum eo Plutarchus, dum nituntur ostendere, animalia cuncta prae dita esse ratione, & solum differre ab homine secundum magis, & minus.*
- 221 *Quid uero homo sit, aggregatum ne ex anima & corpore, an anima rationalis mentis particeps corpore utēs, videntur dissentire Platonici, & Peripatetici: At, si rem exquisitè perpendimus, maxime cōueniūt.*
- 222 *Ex sententia tamen Aristotelis, hanc censeo integram eius definitionem. Animal rationis particeps. non enim mortale adden-*

dum est.

223 *Ex quo colligo cælum minime esse animal rationis particeps, nam nec animal est, nec particeps rationis, nisi utroque termino utamur improprie, quod in definitionibus fieri non debet.*

224 *Colligo etiam Aristotelem daemones nec cognovisse, nec admisisse, cum infra cælum solum hominem mētis compotem asseruerit. illi enim nec in hominū genere, nec infra, nec supra hominē ordinari possunt ex eius sententia.*

225 *Mas & famina solum seiunguntur differentia, quæ accidens est, & qui faminam dignitate præferunt mari, se non viros, sed omni ex parte effaminatos ostendunt.*

226 *Ex animalibus solus est homo scientia ad eo particeps, ut omnia scire posse dicatur; ita tamen omnia scit, ut nihil sciat, & ita ei conuenit scientia, ut valde propria ei sit ignorantia.*

227 *Munus itaque hominis est, ut scientia naturalia scrutetur; prudentia disponat humana; pietate diuina colat, & veneretur.*

- 228 *In hoc absolutissimo animali differentia positionis optime sunt seiuncta, & secundum naturam in ordinem redacta: contingere tamen potest, ut consuetudine fiat ambidexterum.*
- 229 *Nec propterea censendum, quod dextrum à sinistro sola consuetudine seiungantur, non natura, ut Plato videtur asseruisse: natura enim seiuncta sunt: Nec ob id Aristotelem à Platone in hac re dissentire crediderim.*

ANIMA VNIVERSIM SUMPTA:

- 230 **V** *Erum ut de homine, & animalibus exquisitiorem consequamur notitiam, de anima agendum est, per quam viuentia per naturam constituuntur, & à Philosopho cognoscuntur.*
- 231 *Varij viuentium gradus ex varijs anima gradibus nascuntur; omnes tamen in hoc conueniunt, quod sunt prima perfectio corporis instrumentarij.*
- 232 *Nomine prima perfectionis forma habitus & initium operis intelligi debet. Secunda*

- vero perfectio minime est forma operans :
 Nam sic in actu esse dicitur, non actus ; sed
 opus ipsum censeretur debet perfectio secunda.
- 224 Inde nulla est ambiguitas num definitio cō
 ueniat anima nutriendi, cum semper opere
 tur : nam, & si semper operetur, nunquam
 tamen anima est id opus: sed solum est ini-
 tium operis, quare in re hac frustra labo-
 rat Auer.
- 225 Conueniunt etiam omnes anima gradus,
 quod sunt principium vite, & ex hoc tan-
 quam ex principio prius tradita definitio
 comprobatur. vita tamen multifariam
 desumitur.
- 226 Hinc Iamblici, & Porphyrij reijcienda est
 sententia, qui censent ex determinatis cor-
 poribus, ac sub certo cœli aspectu, & quo-
 rundam siderum principatu posse corpora
 confici animam attrahentia, qua, cum ar-
 te consent, erunt uiuentia. id inquam mi-
 nime est admittendum. Quod si etiam con-
 tingeret, id opus magicum iudicari debe-
 ret, ad quod ars solum instrumenti loco cō-
 curreret.

Non

- 237 *Nō ita anima est perfectio corporis instrumentarij, ut quauis pars corporis instrumentaria sit, ut nōnulli putarunt, id enim Aristoteli; & vero repugnat, cum viuentium partes in instrumentarias, & homogeneas diuidantur. Verum id de toto viuente, & de praeipuis eius partibus intelligendum est.*
- 238 *Inde cadauera minime censerī debent corpora instrumentaria, nec cadauer est corpus unum; nec datur una forma cadaueris, ut passim creditur. nam sensu decipimur.*
- 239 *Sic quoque inania censerī debent uehicula anima à Platonicijs excogitata; nō enim aereo, vel aethereo uehiculo seorsum à crasso corpore habere anima potest: Nec illa uehicula censerī possunt instrumentaria, ut perperam Philoponus existimauit.*
- 240 *Neque ob id uehicula toto genere superuacanea dici debent: nam spirituosum, & ostreaceum uehiculum apprime sunt necessaria.*

- 241 **G**radus anima nutrientis primus est origine, & potest ab alijs seiungi, non tamẽ econuerso inde asserendum est esse anima gradum ignobilissimum, attamẽ maxime necessarium.
- 242 *Necessitas eius pendet non ex eo tantum quod corpus mortale sit, tunc enim omni mortali corpori pro salute deberet conuenire, quod esse falsum exemplo elementorum & metallorum innotescit.*
- 243 *Non enim cum modernorum nonnullis dicendum censeo & metalla & fossilia, uiuere & proprie nutriri, neutrum enim eis conuenit, & longe minus id conuenit elemẽtis.*
- 244 *Sed ea nutrientis anima necessitas ex eo pendet, quod cum viuentia debeant prestantiora obire munera egent omnia quasi instrumento, calore eo, qui solis uiuentibus conuenit, qui infusus nũcupatur, cuius origo est cor, uel quod ei proportionẽ respondet, qui cum in humidum agat, & ex eo reficiatur, eget uiuens continua nutri-*

tione, qua minime egent non uiuentia.

245 Hæc necessitas minime in cælo locum habet, inde errauit Epicurus, & peccarunt illi, qui cælum propterea uerti dicebant, ut nutriretur.

246 Inanis est controuersa medicorum, & philosophorum, dum ambigunt, num ab anima, num à natura proueniant ea opera, quæ à nutriente facultate pendent: Nam simul & ab anima, & à natura proueniunt; cum ea anima etiam sit natura, ac insuper modo, & conditionibus operetur natura.

SENSVS EXTERNI.

247 SVpra nutrientem facultatem locantur externi sensus, qui ad duo cõferri possunt, & ad sensile, & ad sensationem. si ad sensile conferuntur, profecto patiuntur ad passionem sensorij. Si uero conferuntur ad sensationem, ita sunt facultates agentes.

248 Inde notum est quid de sensu agente sit dicendum; nam ipsius sensus munus est agere; & actio est ei magis propria quàm passio: nec censendum, ut nonnulli asseruerunt,

- sensum agentem re distingui à patiente.*
- 249 *Præstantissimus omnium sensuum externo
rum visus est: Nam citius, longinquius,
modo magis spiritali, & circa præstantius
operatur. Quare falluntur qui nituntur
ostendere auditum visui præstare.*
- 250 *Visus magis confert ad disciplinas, quæ ex
se comparantur.*
- 251 *Auditus ad eas, quæ ab alijs recipiuntur.
Et ita visus per se, auditus ex accidenti,
magis ad disciplinas percipiendas condu-
cit. Quare fit, ut visum maxime diliga-
mus.*
- 252 *His igitur de causis visus & auditus pro-
ximi rationis nostræ ministri merito iudi-
cantur: Nam & minus materiales sunt,
& circa res minus corporeas versantur: et
quæ oculis, & auribus offeruntur exactissi-
mum quendam ordinem videntur præse-
ferre.*
- 253 *Quamobrem facilius, & efficacius ex his
duobus sensibus, quam ex alijs ad intelle-
ctum, supernasque mentes, unde omnis or-
do disponitur, prouocari solemus.*

- 254 *Est profecto medium necessarium ad visionem. Quapropter à Plotino recedendum, qui id minime necessarium censuit. Nam, si duo essent mundi solo vacuo seiuncti, qui supra dorsum unius poneretur, non posset alterum mundum videre, & id minime ea causa contingeret, quàm Plotino affertur.*
- 255 *Oculum Pythagorei igneum asseruerunt, & cum eis Plato, aqueum Aristoteles: at certe non dissentiunt.*
- 256 *Ambigitur num sensus hominum sint præstantiores sensibus aliorum animalium: sed quoniam præstantia uario modo sumitur, & ad uaria potest referri, idcirco utrumq; ualemus affirmare.*
- 257 *Ponebant Pythagorici quattuor in uniuerso sensuum ordines, primum in anima Mundi, secundum in animabus spherarum, & stellarum, Tertium in particularibus animis iam per instrumenta distributū. Quartum concedunt plantis quasi simulachrum sensuum, At rectius Peripatetici, tribus neglectis, solum tertium admittunt.*
- 258 *Hinc falluntur, qui cælo conuenire sensus*

affirmant, & nisi fallantur, saltem loquuntur improprie.

259 *Sensus in quadam ratione consistere dicuntur, quæ ratio triplex est, una in commistione elementorum; alia in instrumenti forma suum spectante sensibile, Tertia his eminentior in anima consideratur spectante naturaliter ita sensibile hoc, & illud. excelsus sensibile cum labefactet sensum, duas præsertim primas rationes destruit, at modo aliquo etiam hanc tertiam rationem labefactat.*

260 *Cum sensum percipere dicatur obiectum, & privationem eius, rectius tamen loquimur, dum privationem non sentiri asserimus, quam dum asserimus sentiri. Siquidem, cum nil sentiatur, sentiri dicitur ab eo, ad quod pertinet habitum cognoscere.*

SENSVS INTERNI.

261 **V***Ltra sensus externos dantur alij, qui interni nuncupantur, qui profecto in unum redigi possent. Maioris tamen di-*

stinctionis gratia duo ab Aristotele statuuntur, videlicet, sensus communis, & imaginatiua, cui iuncta est memoria.

262 Decipiuntur igitur qui & existimatiuam & phantasiam, & cogitatiuam veluti ab enumeratis distinctas afferunt: nam existimatio opus est imaginatiua, quae graeca uoce phantasia nuncupatur.

263 At quid de cogitatiua dicendum, cum praesertim Auerroes hanc statuatur ueluti ab alijs distinctam? Dicendum profecto Auerroem in modo loquendi ab Aristotele dissentire, conuenire autem in sententia: Nam cum imaginatiua hominis excellat imaginatiuas brutorum, id, quo superat, nomine cogitatiua nuncupatur ab Auerroe. Cum tamen Aristoteles totam latitudinem nuncupauerit imaginatiuam.

264 Dum mentio fit de potentijs anima, earum nomine essetiam anima intelligi uolo: nam potentia modo aliquo sumpta eadem sunt cum essentia anima, modo uero alio seiuncta.

- 265 **H**ominis imaginatiua suprema est omnium formarum materialium: Et, quoniam singula, quæ in Mundo sunt, sibi coherere debet, iure infima intelligentiarum suprema materialium copulatur. Nihil. n. inter has duas medium esse potest.
- 266 Ex horum complicatione anima redditur rationalis, & mentis particeps, ratione cuius homo mundi hymenaus, & copula, ac parvus Mundus nuncupatur.
- 267 Per hanc complicationem imaginatiua profecto perficitur, & illustratur. Mens vero declinat, progreditur, & à se recedit; nec tamen ob id labefactari dicitur, ut, nec sol, dum illustrat terrena.
- 268 Hanc complicatio non à voluntate, & electione ducit ortum, sed quadam Natura necessitate fieri dicitur, quæ sibi propinquis superiora coherere dicuntur, ac eadem perficere, & producere.
- 269 Ex hac coherencia, & declinatione oritur distinctio intellectus possibilis, & agentis,
qui

37

qui non substantia, sed ratione, & modo se
se habendi distinguuntur.

270 Hinc pendet quod intellectus agens minime Deus est.

271 Neque etiam agentis, & possibilis distinctio conuenire potest substantijs separatis, quae supra hominis intellectum ordinatur, nam eis solum conuenit intellectus, qui actus est.

272 Dum loquimur de inferioribus anima gradibus, quoniam extenduntur ad corporis extensionem, minime in quauis parte corporis tota anima est, sed in toto tota est, & pars in parte: sola mens, ubi est, tota esse dicitur.

273 Si consideratur mens, ut modo aliquo redditur anima pars & imaginationi iungitur sic ad Physicum pertinet; sic quoque conuenit ei anima definitio: Non tamen uniuoce ac eodem modo, ut ceteris anima partibus.

274 At, si ut una intelligentiarum est, consideratur, minime ad Physicum, sed ad primum Philosophum attinet: neque ob id censendum diminutam esse primam philosophiā,

K

cum exquisita de hominis mente ibi egisse non videatur. Nam agens de intelligentijs agit, etiam de mente hominis, ut una intelligentiarum est.

- 275 Dum quærimus an intellectus det esse, duo sunt statuendi hominis gradus, unus corporeus, alter eminentior, & incorporeus: Primus per imaginatiuam constituitur, alter per mentem. Vnde forma formarum nuncupatur, & quanquam materiam non format, magis tamen quam alia quæuis forma tribuit esse, & hominem absoluit.
- 276 Pari ratione, cum iam formato, & absoluto homine perinde ac instrumento utatur, dicere cum Philosopho valemus, mentem instrumento proprio carere; Eam tamē magis instrumentariam esse, quam alius quæuis animæ gradus.
- 277 Dum Mens seiungitur à singularibus hominibus, non qua agens, nec qua possibilis seiungitur: sed qua est id, quod est, hoc est, quo ad essentiam eius, ut una ex intelligentijs est. Nam id solum est aeternum, & immortale, ceteræ conditiones, quæ trahuntur

ex complicatione abolentur.

278 Hinc fit, ut minime recordemur, quod non est intelligendum solum de ijs, quæ ante præsentem vitam cognouimus, neq; ut alij dicunt, de ijs, quæ in præsentī vita didicimus: sed absolute intelligendum velim, quod neque illorum recordamur, neque recordabimur horum: Nam quæ attinent ad memoriam ab imaginatiua, & à pb̄ta smatibus pendent. Quare, pereunte imaginatiua, minime recordamur, præsertim cum intellectus possibilis, quæ talis est, aboleri dicatur. Eius tamen interitus in perfectionem terminatur.

279 Ex sensuum, & intellectus cognitione quadruplex cooritur appetitus; cupiditas, animositas, voluntas, & electio: Quarum duæ ad sensum, duæ ad intellectum attinent, & hæc est appetitio illa, quæ in animalibus est commune principium motus.

280 Inde prouenit, quod Aristoteles post sensuū & animæ rationalis declarationem egit de facultate motrice: non enim id fecit, quia sensus, & intellectus uicissim maxime con-

K ij

ueniunt: nec quia motrix nō est anima gra-
dus, ut nonnulli affirmant, sed quoniā pri-
mo de principijs omnibus agendum fuit,
à quibus appetitio prouenit, quā motus ini-
tium est.

- 281 Homo per mentem ad intelligentias &
Deum attollere se potest, nihil enim est me-
dium. Quare brevis est uia, si ut mentis cō-
potes uiuere uolumus. Nam centrū Deus
est, circulus ei proximus est Mens.

DE INTELLIGENTIIS ET DEO.

- 282 **A**mbigitur de intelligentijs, an largiā-
tur esse Cælo. lis tota ex eo pēdet, quia
in Cælo res ita querimus, ut Mūdo morta-
li cōueniūt, sed fallimur. Quare dicamus,
si consideramus effectum, maxime eas lar-
giri esse; si modum querimus mortalibus cō-
petentem, minime esse tribuere.
- 283 Fit profecto ex intelligentia, & orbe maxi-
me unum: quod tum ex eo verum est quia
non sit copulatio medijs dimensionibus, sed
sine medio; Nam primo consideratur intel-
ligentia, 2. cæli materia 3. terminata di-

mensiones. Tum etiam id est uerum, quia in ea copulatione unum accedit ad naturā alterius: Nam minime fit intelligētia materialis, sed calum formale redditur, & utrumque uarijs locis expressit Auerroes.

284 Ha substantia separata, ut supra motum sunt, ita quoque sunt supra tempus, & in aternitate degere dicuntur; & eis proprie sumptum conuenit auum, quod ab aternitate non seiungitur.

285 Nam auum primo in separatis sine distinctione consideratur; secundo in mūdo cum distinctione prateriti, & futuri, tertio in mortalibus solum similitudine aliqua. Et in his primo in substantijs, secundo in accidentibus, nec tamen in omnibus: Nam quae in fluxu habent esse, minime proprio auid pradita sunt.

286 Dubitant an separata substantia in loco sint per essentiam, uel potius per operationem: Nitar ego ostendere utranque sententiam in bonum sensum redigi posse.

287 Tam admirabili natura pradita sunt, ut si ne contradicōne dicantur esse in cælo,

extra calum, ubique, nullibi, & dū rectius loquimur, asserere debemus, non eas alibi, sed cetera omnia in eis reperiri.

288 Sic omnia in superioribus continentur, ut dicere ualeamus singulas intelligentias esse mūdos singulos omnia includētes. Quod tamen eminentissime de Deo uerum est.

289 Et, quoniam singula pendēt à Deo, & innumerabilia sunt munera eius; propterea, cum sit unus, ob uaria tamen munera uaria sunt eius appellationes.

290 Et cum plures sint hæ separata substantia, non est censendum genere cōuenire eas, & differentijs seiungi: sed solum distinguui dicuntur, ut ratione uaria ad primum ordinantur, & certo gradu recedunt.

291 Proprietates substantiarum separatarum sunt, ut, cum non sint, uere esse dicantur, sempiterna sint, sine tempore, cum immensitate indiuisibiles, immobiles, omnium motiua, omnibus assistentes, ac simul ab omnibus separata, essentia plena, & uita referta.

292 In hoc diuino choro inspicit animus uita fontem, fontem mentis, Entis principium,

boni causam, radicem animæ, hac nostra, est umbra uitæ; ea est uita uera, nullis passionibus obnoxia, quam cum attigerimus, mente exclamabimus. Dies unus in atrijs tuis *DOMINE* plusquàm mille aliorum anni.

- 293 *Ad hanc lucem supremam septem potissimum gradibus ascendimus. Nam primo purgandus est animus, secundo cognoscenda sunt Dei opera. tertio speculari debemus ordinem, quo inferiora opera per gradus ad causas & ad superiora rediguntur, quarto analogice horum ordinem ad diuinum ordinem conferre debemus, & ex horum ordine ad illum ascendere, quinto iã negatione cuncta, quæ concepimus à principio separare debemus, sexto, iam mundi Pater reddit mentem mūdum intellectualem, cum se ei tribuat cognoscendum, septimo amore boni concita mēs ex intellectuali statu in bonum transfertur intellectu superius, ubi solum quasi die septima suorum operum felicissime conquiescit, & sibi placet.*

CIVILIS DISCIPLINA.

294 **E**T, quoniam munus hominis est non solum speculari aeterna, uerum etiam humana gubernare, ut felicitate non modo communi Dijs, uerum etiam homini propria fruatur; iure ingenuus homo civili disciplina decoratus esse debet.

295 Etenim, cum homo ciuile sit animal, & rationis particeps, iure actio est ei magis propria, quam contemplatio. Cum tamen absolute contemplatio sit eminentior, nam tunc supra hominis terminos cōsurgere dicitur: ac inde quoque, prouenit, ut uitia magis naturā hominis labefactent quā ignorantia.

296 Vt nonnulla referamus attinentia ad disciplinam ciuilem ab animi perturbationibus exordiamur; quae si proprie sumantur, soli conueniunt homini, ut censent Stoici. Hac enim conditione nati sumus animalia obnoxia non paucioribus animi, quam corporis morbis, si tamen sumuntur pro omni sentientis appetitionis commotione, etiam brutis conueniunt, ut Platonici &

Peri-

Peripatetici censent.

- 297 *Hæperturbationes, cum plurimæ sint, redigi tamen possunt ad quattuor, ut fecerunt Stoici; ad tres ut Drusianus, ad duas, ut fecisse videtur Aristoteles, & ad unam, videlicet ad amorem, ut censuit Themisti-
us.*
- 298 *Vt curaremur, & his animi liberaremur morbis, ac insuper ut lege aliqua, non solū natura ciuile animal redderetur homo, parata est ea philosophia pars, quæ ciuilis nuncupatur.*
- 299 *Hanc uendicare sibi conantur Iureconsulti, qui tamen iudiciarij potius, & custodes legum, quàm morales Philosophi censendi sunt. At non mirum hoc nobis videri debet, sæpe enim euenit, ut qui quasi manibus rem tractant, nomen artis, & disciplina sibi uendicent.*
- 300 *Pertinet profecto cognitio perturbationū, & habituum ad naturalem Philosophum: Nā ciuilis ab eo multa sumit, qui proprie in sui institutione, ac familia, & ciuitatis immoratur.*
- 301 *Disciplina ciuilis fere tota traditur in li-*

*bris de moribus, non in Economicis ; & Po-
liticis, ibi namque fundamenta traduntur
cura suimet, familia, & Reipublica.*

302 *Nec propterea ex hoc colligendum, Virum
bonum; bonum Economicum; et bonū Ciuē
absolute idem esse: Nam in sola optime
instituta uel familia, uel Republica in idē
ueniunt, in alijs seiunguntur. Qua de re
Aristotelem à Platone minime dissentire
crediderim.*

303 *Verum quia in hoc mortaliū orbe ob huma-
nam imbecillitatem, nulla ciuilis admini-
stratio adeo exacta formari potest, ut ali-
qua ex parte non declinet à recto, id enim
solum adinuenitur in Regno Dei, Iure as-
serere absolute ualemus in ciuilibus admi-
nistrationibus differre nonnunquam bonū
ciuem à uiro probo, & solum semper in idē
uenire in magna mundi urbe, qua Dei cu-
ra gubernatur.*

304 *Per hanc ciuilem Philosophiam non eradi-
candi sunt affectus, id enim fieri nequit ;
Sed corrigendi, & redigendi ad mediocri-
tatem.*

- 305 *Dum in habitus vertuntur, si mediocritatem seruant, uirtutes sunt: si exsuperant, uitia nuncupantur: propterea definita sunt uirtutes, infinita sunt uitia, ut recte Pythagorei asseruerunt.*
- 306 *Solus homo uirtutis & uitiorum est particeps, quoniam ei soli conuenit ratio, qua affectibus ualet modum imponere, cui & aduersari, & obtemperare potest.*
- 307 *Brutis solum imagines uirtutum, & uitiorum conueniunt.*
- 308 *Deo, ex Philosophi sententia, non conueniunt uirtutes: Non inficior tamen in quadam eminentia ei competere.*
- 309 *Sed, hoc est mirabile, quod, cum Deo hominis uirtutes non conueniant; Homo tamen per uirtutes redditur similis Deo.*
- 310 *Inde etiam prouenit, quod, ut homo potioris conditionis est particeps, & beatitudinis compos, ita e contra in deteriore gradum, & miseriam dilabitur, si ratione abutitur.*
- 311 *Animi perturbationes maximopere ex temperatura proficiuntur. inde & morum se*

mina quadam nobis natura inserta sunt :
Tamen uirtutum, & uirtiorum habitus ex-
uita genere, educationibus, & disciplinis
ortum ducunt.

- 312 Artes non per modum efficiendi, sed ipso po-
tissimum opere comprobantur: At uirtu-
tes uoluntate mensurantur, & modo operā
di: Nam in actionibus maioris momenti
est uoluntas & modus agendi ipso opere.
- 313 Tam pretiosa est uirtus, ut ea sola minime
nobis liceat abuti: Cum ceteris & animi,
& corporis bonis, & recte, & male uti ua-
leamus.
- 314 Et hoc in ea praclarum est, quod sine ea nil
potest censeri bonum. Cum tamen eius pra-
sentia omnia uel reddantur bona, uel in bo-
num dirigantur.
- 315 Inde prouenit ut & affinitati, & amicitia
preferenda sit, & bono uiro potius, quam
amico, & nonnunquam potius quam parē
tibus bene faciendum est.
- 316 Honor & dedecus minime singulari certa-
mine uel acquiri uel dignosci possunt: Nō
enim quae ad animum pertinent, his, quae

sunt in fortuna manibus, seu corporis discrimine sunt internoscenda: Neque enim vis animi uiribus respondet corporis, praesertim quia saepe, deflorescente corpore, animus florere incipiat.

317 Quare singulare certamen, ueluti quid seruile, & barbarorum et potius belluarum proprium, maxime damnare debemus.

318 Ex his colligimus tum domum, tum ciuitatem recte institutam primo de uirtute debere laborare. Hac enim est fundamentum cuiusque recte administrationis. Quare cum pater familias, tum Princeps uirtutum exemplaria esse debent. & ubi non maxime honoratur uirtus, ibi fieri nequit ut firmus sit optimorum status.

319 Polleat igitur Princeps non quidem robore corporis, sed moderatoris animi, ac mens eius regia disciplina fulgeat, qua perinde ac uina lege etiam aboletas leges ualeat in integrum restituere. quo non solum nomine, uerum etiam re se Principem ostendat.

320 In re recte formata debent uirtutes, praecipua ita fulgere ut prudentia in principibus

conspiciatur, fortitudo in militibus, temperantia in principibus simul & militibus, iustitia denique in omnibus.

3 2 1 Sunt formae rectae administrationis tres Regnum, Imperium Optimatum, & quae res publica popularis nuncupatur, quae primo intrinsecus in homine reperiuntur, mox in cura domestica optime autem in ciuitate fulgent.

3 2 2 Philosophi imperia absolute considerantes regum ceteris praetulerunt, quo imperio Deus uniuersum gubernat, ac maxime mundo expedit ita regi cum minime de Tyrannide Principis immineat periculum.

3 2 3 Verum euenit saepe, quae sunt absolute potiora, ut non omnibus talia sint, quemadmodum in proposito se habet: Nam in ciuitatibus, quae hominum moderantur ingenio, hoc regium, & liberum imperium non est ceteris praefendum; ne Tyrannis, Pectus illa abominabilis ullo unquam tempore sub repere ualeat: ob affectus, quibus saepe ducuntur homines.

3 2 4 In optime itaque instituta Republica ful-

gere profecto debet regia Maiestas, ita tamen, ut optimorum ciuium coniunctione adeo coerceatur, ut in Tyrannidem labi non possit. Ex regia igitur, & optimatum potestate tertia quadam oritur gubernatio ceteris praefenda.

325 Hanc felicem Remp. commodius esse censeo arbitrio uirorum iustorum gubernari, quibus tamen sit nota uniuersalis ratio legum, quam scripto legum de singulis decernentium: nam legibus non quod perpetuo, sed quod magna ex parte iustum est sancitur. ob inconstantiam rerum agendarum, at uirorum iustorum prudentia cuncta pro oportunitate felicissime disponuntur.

326 Quare prima Reipublica cura fulgere debet in curanda iuuentute: Ex ea enim eligendi deinde sunt magistratus, ac in eis tandem recipi debet Reipub. forma.

327 Oportet ciuitatem liberam, & prudentem sibi ipsi primo amicam esse, ne interna agritudine ad necem perducatur, nam in expugnabile munimentum est amor ciuium, cum inimicis enim nec in uia quidem com

municare uolunt homines.

328 *Nec ei magistratum gubernandum tribuere debemus, qui ob incontinentiam se gubernare nesciat: non enim ab eo recte, feliciterque ciuitas componitur, in cuius animo ciuitas quadam incomposita simul est, & misera.*

329 *Tria debent eis conuenire, qui praecipuos magistratus sunt suscepturi, primum ut ament praesentem ciuitatis statum, deinde ut habeant facultatem ad ea exequenda, tertio ut uirtute, & iustitia fulgeant.*

330 *Illud maxime in omni Republica cauendum est, ne qua facultas quastus faciendi praecipuis Magistratibus relinquatur, quod in primis cauendum est in paucorum potentiis. Nec enim uulgus tam moleste fert excludi à magistratibus gerendis, quin latatur potius, si suis rebus uacare permittatur.*

331 *Quoniam nonnulli dantur, quibus melius est inseruire, quam imperare, iure cum Aristotele dicendum est, quod datur natura seruus.*

- 332 Nec propterea putandum, qui bello uincitur,
 & uiribus superatur, natura eum esse ser-
 uum: imo neq; semper est legitime seruus;
 nisi legitimum fuerit bellum.
- 333 Vt nonnulli dantur qui ubiq; sunt serui, ita
 datur alij, qui nusquam serui sunt, sed ubi
 que terrarū sunt liberi, etiam si patria ser-
 uitutis iugo prematur, etiā si ille in carce-
 re, & compedibus detineatur.
- 334 Sed quid? si cum Aristotele asseruerimus ēt,
 neminem esse natura seruum, ne uideatur
 natura fuisse nonnullis Nouerca?
- 335 In Rep. ita fulget iustitia, ut iniustus, etiam
 si totius orbis imperio potiatur, impotentis
 simus tamen censerī debeat. Quare omniū
 impotentissimus est Tyrannus.
- 336 Venenum Reip. deterrimum censerī debet
 despiciere populos, & nullum est ornamentū
 principis fastigio dignius, pulchriusq;, quā
 illa corona obseruatos ciues.
- 337 Non est seruitus uiuere ad formam Reip.
 sed salus Quare legitimo Principi inserui-
 re regnare est.
- 338 Tria cogitat Tyrannus, & meditatur, ut a-

nimos imminuat; ut diffidentes reddat ciues; ut impotentes. At Respublica recte instituta cum expetatur commune bonum, opposita prospicit.

- 339 Non potest fulgere respublica. non potest maxime pollere uiribus, nisi maris, & Terra fruatur opportunitatibus. Nam maris usus Maria praebet. Quare Themistoclis probanda sententia est. Qui dominatur Mari, facillime dominabitur Terra.
- 340 Minime censendum est omne bellum esse natura iniustum, immo bellum ad propellendas iniurias, tum in eos homines, qui cum sint ad parendum nati, tamen imperium recusant, natura iustum existimari debet.
- 341 Non tamen, ut Lacedaemonij fecerunt, ad bellum in primis sunt instituenda leges, sed ad pacem, cum bellum ad pacem dirigi debeat.
- 342 Legum latori non sat est regionem, & homines animaduvertere, ut fecisse uidetur Plato, sed uicinarum etiam locorum rationem debet habere, ut monuit Aristoteles.
- 343 Non negligenda sunt mulieres in Republica. non enim barbarorum more serua sunt iudicanda;

sed modo aliquo dimidiū sūt ciuitatis, nec
cōes sunt admittenda, neq; etiā ijsdem mu-
neribus, quibus uiri fungi debent. Nam ut
natura à uiris, sunt seiuncta, ita quoq; m. u-
neribus & educatione secerni debent.

EXCERPTVM.

- 344 His gradibus ad sapientia sacrum deduxe-
re nos Peripatetici, quibus cognoscere ua-
lemus, neminem ex Philosophis tam exqui-
site nobis monstrasse disciplinas, & tā pro-
pè attigisse scopum, ac illi fecerint: adeo ut
vere terminos nobis ostenderint facultatis
humani ingenij: Nec hominum inuentis
emendari possunt. Iure itaq; (quod ostende-
re sumus polliciti) soli inter Philosophos co-
rona digni censeri debent.

L V X V E R A,

ET EMENDATIO PERIPATE-
TICAE SECTAE.

- 345 PEripatetici, cum fuerint homines, erra-
re ipsi quoq; potuerunt, & ò utinam nō
errassent. Et, cum humanis inuentis non
possint corrigi, altiore philosophandi mo-

M ij

dum, & eminentiorem praeceptorem inquire debemus, qui nulli errori sit obnoxius, ad cuius amussim exactius, quàm ad lesbi-
am regulam Peripateticorum declinationes dirigantur.

346 *Qua in re munificentissimum se praestitit*
ALMVS MVNDI PARENS:
Nam primo per ea, quae monstrauit primis,
parentibus.

Mox prophetarum instrumento,
Ac postremo per unigenitum filium omnē
ignorantiae caliginem à mentibus recte dis-
positis longe repulit.

347 *Munere huius lucis cognoscimus in mul-*
tis errasse Peripateticos; nam statim in
primo rerum initio lapsi sunt, Quare non
mirum est, si in pendentibus ab eo declina-
runt à uero.

348 *Hi namq; ut terminati immensam Dei fa-*
cultatem attingere non ualuerunt, sed solā
nouerunt aeternam eius permanentiā: Nos
autem lumine ueritatis illustrati eum af-
firmamus immensi vigoris.

349 *Id praesertim fuit in causa erroris eorū, quae*

niam in Dei facultate cum duplicem consideremus gradum, unum per quem ordinaria, alterum, per quem absoluta dicitur. Illi primum gradum munere operum natura cognouerunt, alterum ignorarunt.

350 Inde cognoscere non ualuerunt quomodo in solo Deo absoluta necessitas locū habeat, qua uero sunt præter Deum, omnia adnexam habeant contingentiam.

351 Ex eodem fonte hic quoque manauit error, ut ex nihilo nil fieri posse enunciauerint, cum tamen ex nihilo factum sit uniuersum, ac diebus singulis noua hominum animæ procul ab omni materia labe recipiant esse.

352 Cum etiam modum eminentiss. quo operatur Deus, non attigerint, male asserruerūt nil noui posse ab eo prouenire: Nos tamen in dies ab eo noua absque ulla in eo innouatione manare asseueramus.

353 Inde perperam affirmarunt Mundum, & Cæli motum aterna esse, cum pro comperto habeamus in principio creasse Deum Cælum, & Terram, & in sæculi consumatione

- nos visuros cælum nouum, & terrā nouā.
354 Quia insuper non attigerunt modum, quo
Deus cuncta cognoscit, iure de Prouiden-
tia, ac de vniuersi cura falsa enunciarunt.
355 Et id ipsum fuit in caussa, ut perperam Ca-
sum, & Fortunam absolute in uniuerso lo-
cum habere putarint, cum tamen collatio-
ne ad Deum omnia sint definita, & certa.
356 Si mox à Deo descendimus ad intelligētias,
hic quoque corrigendi occurrent Peripate-
tici: Nam perperam existimarunt, se nu-
mero orbium posse adinuenire numerū sub-
stantiarum abiūctarum: Nam multo sūt
plures, quam orbes ob angelicos choros.
357 Et adhuc magis circa demones declinarūt,
à quibus iure nunc mortui puniūtur, cum
uiuentes existimarint eos esse delirantium
insomnia, non secus ac Chimara & Hirco
ceruus.
358 Si tandem qua ad hominem pertinent, confi-
deramus, nonne semetipsos maximopere fe-
fellerunt, cum humano orbi unam destina-
runt intelligentiam?
359 Cum insuper eam à ceteris anima gradibus

*in substantia esse diuersam affirmarū.
omni ex parte eternam?*

- 360 *Cum tandem minime existimarunt constituere substantiam hominis, sed id fieri per imaginatiuam? quasi homo secundum substantiam à brutorū grege non secernatur?*
- 361 *Ex tam deprauatis radicibus hoc cōsurgit, quod post obitum aliam seorsum à corpore uitam, & anima statum reperiri minime crediderunt.*
- 362 *Ac insuper de absoluta hominis felicitate minime enunciare ualuerunt consentanea uero, & multo minus de hominum resurrectione.*
- 363 *Et, quoniam qui de fine male sentit, perperā iudicat de ordinatis ad eum, propterea de uirtutibus, & uitijis falsa enuntiarunt: nā castos, mites, humiles, quasi uitio coinquinatos perperam damnarunt. Idq; ex eo fecerunt, quoniam ad humanū potius, quàm ad diuinum regnum homines instituerūt.*
- 364 *Hac luce repellendæ sunt tenebræ; hac ueritate inuenta Peripateticorum sunt corrigenda; his tandem institutis uita hominis for*

ia & dirigenda est, si procul ab errore
issimam vitam vivere cupimus, & in
fonte lucis creatorem, & creaturas specu-
lari exoptamus. Quae sapientia per eminen-
tiam sapientiae lucem corrigi non potest.
Quoniam sapientia, veritas, & vita est, solus
sine errore nos dirigere, docere, & perfice-
re valet. Cui honor, & gloria.

F I N I S

Z

564.1.3

99 947171